

清

袁汝龍字起潛號東籬又字瘦倩號怡孫別號老枵廷琥子附貢

生有復齋詩月舫詞及南北曲

去病案先生為亡友成洛之祖少承家學詩詞書畫靡不精妙

尤工仕女晚乃壹意山水每一紙成輒集前人名句題之所居復齋別墅花木清閒負絕塵境聞多半出自親構時成洛讀書月舫余每過之喜其幽倩輒便忘歸閒與角藝為先生所見亦頗不以恆流相待乃不數年間祖孫二人相繼逝世老成凋謝玉樹長埋可勝悲慨頃成洛之弟文田以余有詞徵之輯始盡出其家遺箬見畀而月舫詞亦赫然在焉因急錄之以為詞壇後勁同里之袁本皆陶姓而先生兄弟別字俱取義柴桑殆亦君子務本之意歟

滿江紅 題濯足萬里流圖

無地容身算惟有扶桑能濯早蕩了憑夷宮殿蛟龍驚愕海闊天空

舒我足從今拔起紅塵脚不管他河水幾時清滄浪濁 礮溪釣空

擔閣清冷洗真奇卓看人間寄跡無非齷齪奔走不嫌城市穢趨趨  
擬向侯門託且把這萬里的狂瀾流其惡

醉春風

淡月黃昏院繡閣留香伴分明鬢影隔紗窗遠遠照壁孤燈乍明  
還暗夢魂繚亂棠睡春宵短早起梳妝倦潛身擬欲向羅幃看看  
看人去樓空空樓深掩麝薰猶暖

如夢令

挑着蒲團一箇來去有誰問我流水與行雲早把紅塵看破看破看  
破行脚何如打坐

行香子

鎮日凝眸事事休休悄魂兒何處勾留遊絲牽惹引入溫柔在那邊  
廂那邊院那邊樓到得黃昏一刻三秋漫和衣繡被香兜聽殘夜

雨數遍更籌只燈和影影和夢夢和愁

雪梅香 詠雪

玉塵起人閒淨掃却紅塵把銀河冰剪彌漫糝遍乾坤瑤草琪花月  
宮裏落梅飛絮玉壺春問誰是鶴擎仙風驢背吟身 休論喚童子  
且把貂裘換酒盈尊一望蒼茫寒江獨釣何人古木烏鴉守山逕隔  
籬黃犬吠荒村人都道袁安未起猶閉柴門

百字令 題曉風楊柳圖

當年三變十七八兒女櫻唇歌溜剩粉遺香分碎錦爭道曉風楊柳  
餞別樓前酒醒篷底一箇青衫舊吟肩高聳露濃烟淡寒透 常是  
旅况淒涼孤舟泊處客夢經消受聊借紅牙輕按句一幅鵝溪寫就  
紅蓼花中白蘋香裏平綠波微縐疎星斜月一船行色秋瘦

浣溪沙 羅星洲泛舟

堤上飄殘數點梅春風瞥眼又將歸如何催說小舟回  
初逗蘆芽  
齊額髮乍舒楊柳捧心眉一湖春色鏡中窺

百字令 病况

三分秋病借半分酒病一分心病纏箇懨懨無了日  
看看重陽光景  
桂嶺雲香蓉塘露豔沒見些兒影又聞人道菊花黃遍籬逕  
三次  
兩次催人催人不起空掩書齋靜容易扶頭纔較可滿擬花間小訂  
恰是前宵月明如水洗得雲烟淨偏生今日一窻風雨秋冷

滿江紅 題鷄鳴度關

一領狐裘暫絆住虎狼攫搏還愁煞迷離狡兔窟無從鑿安得同歸  
和氏璧且來共載子胥橐向重巒疊嶂亂盤旋迷藏捉  
戍樓鼓嚴  
城柝馬數騎鷄三喔頓輪蹄絡繹賺開金鑰淹久渾如巢幕燕高飛  
方作逃籠鶴定喘息回首望函關魂應落

漁家傲 題漁家樂

賣却魚兒隨換酒移舟同泊垂楊柳  
拇戰歡呼拚大斗何無有明朝  
再發濠梁筍 泛宅浮家常聚首  
鄰舟新舊江湖友醉後狂言齊拍  
手君知否子陵笑煞磻溪叟

袁汝夔字履祥號西疇廷琥次子有鐵如意齋詞

清平樂 辛酉長至日復齋小飲

蕤賓應管時節陰陽判梅雨蒲風新景換  
又是一年將半 故人相  
約頻來蓬門始爲君開解識人生行樂歡呼且泛瓊杯

眼兒媚 墨晶眼鏡

精瑩炯炯映雙眸兩個墨晶球  
迷漫額角朦朧眼底黯淡眉頭 天  
昏地黑路悠悠人豈日中留紅塵  
隔絕烏雲滿護赤日全收

百字令 六月廿二日恭祝家慈五十壽誕

滿堂歡頌計親年半百光陰如許只恨靈椿難並茂堂北時將萱譜  
寒夜縫衣宵燈課讀常得春暉煦今朝酬報舊時多少辛苦不羨  
外至榮華天倫樂事膝下霞觴舉更喜外家王母健高壽真同仙姥  
琴瑟調和壘箎交奏骨肉欣團聚癡頑如我綵衣能效萊舞

荷葉杯 荷誕

今日風光饒滿荷誕花葉現真身香城水國悟前因替爾作生辰  
翠謔紅傾微動歡頌並蒂莫分開蓮房多子喜含胎飲我碧筒杯

多麗 老少年

繪清秋斑斕幾種凝眸正長空南飛雁至帶來猩血輕柔碧梧凋吳  
宮翠減繁英吐漢苑紅稠悵望西風徘徊夜月當初牆角獨勾留到  
今日年華閱盡丰韻勝前不教那桃腮暈退杏靨痕收愛鮮妍臙  
脂一抹任他雨打風揉弄芳姿自憐晚景爭媚態儘惹閒愁顏可還

丹唇疑點絳秋娘愈老愈嬌羞怎寫首多情詩句拋向御溝流因堪  
笑春光難駐白了人頭

滿江紅 戊子春日同社題復齋雅集圖

逝水光陰休孤負春秋佳日因約得兩三知己素心晨夕淪茗鐺支  
中散竈譜松琴挂陶潛室任憑他利鎖與名韁都逃出 形骸放皆  
坦率笑談縱真超絕合詩魔酒債興酣情劇大塊文章不用藁天然  
圖畫無須筆君試看雅會記蘭亭空陳迹

任艾生

原名世珍

字幼蓮又字友濂號半聾諸生

震澤籍

有曼陀羅花館

集

金祖澤云幼丈書法精妙尤工詩詞卒後其子孫輩均留學於外遺稿散佚不可究詰存者殆不及百之一二焉 去病

案先生風流瀟灑絕似晉宋間人往嘗延余退思草堂課其羣從暇輒一過齋頭譚讌甚樂不數壺天之客錢重鼎也壬寅春將作杭遊余為填一詞贈行先生亦依韵答和因同步藥闌忽中風欲倒余大驚甚急呼童扶之歸雖一時獲愈然未幾竟以

淪謝  
悲夫

金人捧露盤 題俞魯青僧衣小照

猛思量驚斷鴈悵離鸞更難忍雙折階蘭柳胥回首

君舊居在吳江城外柳胥圩

荒烟蔓艸路漫漫廿年飄泊跡無定幾度鶯遷  
莽星霜催人老眉  
半白鬢全殘效東坡晚歲逃禪豈真拋棄書香舊脈有孫傳掀髯一  
笑着袈裟去覓林巒

千秋歲引 題竹杖壽殷小譜翰林夫人五秩

香氣成烟神光照室豈藉青筠伴晨夕分曹觀政欣聯璧合飴擲果  
常依膝更玲瓏掌上珠歡無極 爲問年華剛五十麟脯麻姑初獻  
食薄酬辛苦歐陽荻戲魚閒向溪邊點騎龍不羨坡中擲倦游時一  
枝竹聊休息

滿江紅 祝朱善丹六十初度

氣吐長虹甘心與屠沽跡斂最難得卅年交誼屢傾肝膽此老崛強



猶似昔是翁矍鑠何曾減願千觴醉倒甕頭春供饒饜  
花如幄凝香豔室如磬甘清淡愛湖山名勝舊游堪念琴澗撫松雲露重洞庭  
載石風波險到而今往事已成塵增秋感

調笑令 醉月

癡了癡了滿地花陰怎掃回頭一白無邊可笑眼花顛倒顛倒顛倒  
錯認山山天曉

浪淘沙 題凌蔭周瑣牕秋夢圖

脂粉剩殘紅鸞鏡塵封除非夢裏得相逢依舊畫眉牕畔坐絮語喁  
喁 鐙影颭西風一枕惺忪秋聲悽斷碧簾櫳悵望玉人何處也疏  
雨梧桐

百字令 周翌廷太守青谿放釣圖

是何爲者把封侯心冷先生休矣借問當年誰得似青笠綠簑漁子

夾岸雲峯半溪烟水夢繞蘆花裏人生消受豈能真箇如此還向  
射虎山前譚兵帳下讀書顏開喜拚入江波深處去仍恐雄心不死  
活水煎茶鮮魚沽酒此事談何易乘風轉眼莫教閑臥篷背

浪淘沙 題友人松下授經圖

梓樹下名邨人家耕讀生涯門臨流水幾灣斜樽酒追陪姻婭舊閒話  
桑麻 松老碧虬遮玉砌交加庭蘭羅列吟春芽留得一經牢守着  
門第清華

李我泉字懷川晚號葉湖釣叟光緒壬午恩貢生候選州判有夢  
蘇盦詞燼餘生吟稿

摸魚子 題滬上沈旣堂西泠放棹圖

望西湖湖光如練山光相映明秀蘇隄十里籠烟霧颺颺絲絲垂柳  
牽客袖看划箇瓜皮殼細波紋皺豪歌縱酒托兩浙林巒六橋花雨

都付郭熙手 湖山勝我亦曾經  
消受十年前事雖又滄桑小劫成  
今昔鴻爪應還依舊君省否  
記怡綠莊邊泛月攜紅友  
何堪回首怕放鶴亭空啼鶯樹  
老不似那時候

摸魚子 題陶仲平茂才怡雲圖

上書樓倚欄憑眺暮山繚繞烟樹  
關心複嶺層嵐外時起閒雲一縷  
風約住覺到眼迷離也助神飛舞  
幽懷爾許把繡幕高擎紗窗半啓  
領略靜中趣 清閒甚邀箇吟詩伴侶  
一甌佳茗新煮郭熙點綴工  
平遠人在畫圖濃處君記取君不見  
前程便是冲霄路流光易度看  
萬里鵬搏九天鳳噉異日破空去

千秋歲 題龐小雅梅花士女帳顏

春光有信小院黃昏近銀蒜底孤憑悶  
風侵羅袖薄露濕蓮鈎印  
明月下姍姍獨具幽閒韻  
斗帳眠難穩壺漏消磨盡  
心上事憑誰問

眉攢青黛淺臉泛紅潮暈休恨也自家先占東風分

憶少年 客牕秋感

蟬聲如怨蛩聲如泣雁聲如訴淒涼暮雲下一聲聲煩絮 無限秋

情撿客緒好時光總嫌恩遽憑欄正愁絕又催愁蕉雨

施紹書字擁百號孚龕諸生

去病案擁百少列馮林一陳子松兩先生之門稱高等第子工篆隸並善

米書與吳縣謝綬之同邑費我庵凌磬生任幼蓮諸老交尤莫逆

高陽臺有序 敝居屋梁營有燕巢卵翼羣雛羽豐冲舉聽呢

喃學語懷我好音邈忽變聲喙鳴若詈勢將搏擊咄哉小禽  
嗟嗟綢繆牖戶拮据卒瘞斯時斜睇虛空得毋肝腸裂與棖  
觸寡驩用拈是解

乳燕分飛瑠梁別住故巢敲破春深話到將雛漂搖風雨曉音青青  
一樣簾前艸茁同根花綰同心奈相離只管西東不管晴陰 憑闌

幾聽檐牙噪訝喉翻脆竹距奮纖鍼何事參商烏衣門巷堪尋鶯兒  
慣弄調簧舌到鷓鴣毀室誰禁漫輕忘李代桃僵若此園林

范鍾傑字舫漁有秋海棠花館詞鈔

搗練子

風乍捲雨初沈珠箔銀屏小院深記得枕邊成小別落花時節到如  
今

柳梢青

鎮日房櫳碧蕉擺雨翠竹搖風簷溜頻催柳煙細裊花霧輕籠 水  
晶簾外朦朧聽幾點伊家莫鐘篆冷香銷蜂黃蝶瘦院靜庭空

調笑令

庭院庭院收取清涼一片夜深花影纖纖低喚雅鬟捲簾簾捲簾捲  
一望月華如洗

踏莎行

無限狂風還來驟雨枕邊一夜愁如許芙蓉帳底不成眠流鶯啼亂  
花飛處 寂寂簾櫳沈沈院宇飄將一葉消殘暑釵橫鬢墮淚痕侵  
芳心繚亂渾無語

木蘭花慢 邨居

正沈沈酷暑畫簾下掩荆扉但鎮日酣眠得閒枯坐覓句吟詩斜欹  
趁涼一餉聽前邨幾處晚鷄啼恰又蘭湯初試可人衫子相宜 窗  
西日落翠陰低寶鴨篆烟微有何塵俗態一生瀟灑家住東溪依稀  
半邨半郭趁扁舟垂釣鱖魚肥只怕陰晴未定瀟瀟風雨歸時

念奴嬌 白秋海棠

一從春去已恁恁過了朱明時候銀燭燒殘深夜靜那復紅妝厮守  
漫染燕支休簪雲鬢懶共芳菲鬥玉闌干側祇將秋意消受 苦恨

雨滴庭蕉風敲牕竹唧唧蛩吟透獨倚銀牀閒自況比似黃花還瘦  
露浥啼痕月明素影寂寞參橫後斷腸人去可憐魂魄依舊

凌寶樞字拱辰號密之自號尙左生泗次子諸生有小茗柯館詞

藁

柳以蕃曰君與邑子沈君詠韶善讀書其家江曲書莊尤留心輿地鎮洋畢尙書沅采集太康三年地記王隱晉書地道

記君病其疏漏爲補輯各一卷後附刊誤會長沙王祭酒先謙督學政江南下車之始命諸生撰獻吳疆域圖說又欲爲酈氏水經註疏吳江分得清水淇水君之從事吳疆域也據春秋內外傳吳越春秋史記爲世表年表一卷據杜氏集解釋例證以兩漢晉志爲地名攷一卷開方爲圖墨識今府廳州縣而以朱綴古地名旣皆釐舉獨所爲水道記及攷訂清水淇水沿革至唐宋而止從事過銳心氣暴損業未卒而奄及于死可哀也已

滿江紅 寅伯已仲以手評紅樓夢詩詞見示漫填此解用辛

幼安韻

十二金釵尋頑石一拳孤立誰喚醒春婆一夢晨鐘催急羅綺已如  
雲過眼旗亭空有詩題壁是何人綺語學冬郎憑誰識 江筆寫彩

毫濕湘竹淚紅壺滴問一瞬繁華秋山空碧月日未知瑜與瑕予謬加評

隳風流安在歌還泣賸一編情史弔千秋傷心客

釵頭鳳 前題

瀟湘竹淚盈掬一瓠借得珍如玉長談夜種蕉舍

予與君種蕉館雅敘屈指已半載矣

光陰一瞬倏交秋夏乍乍乍斷腸曲埋愁錄閒來無事且閒讀芟

荷榭薔薇架睡餘酒醒一開眼界謝謝謝

丁桂琪字子勤兆寬孫諸生

瑞鷓鴣 春陰

烟雲靄靄望迷離簾幙飄搖欲捲遲香霧如塵籠一徑半酥春色綠  
楊枝 東風無力鶯啼懶細雨多情蝶夢癡旅客魂銷沾酒店江南  
二月杏花時

山花子 春歸



開到荼蘼春事殘  
離腸千折碧闌干  
祇有杜鵑啼別淚  
不堪看  
綠  
陰成後天涯隔  
紅雨飄殘客夢闌  
幾日東風同過客  
暫盤桓

憶王孫 秋閨

秋風勾起玉關情  
檢點寒衣寄遠征  
素手纖纖熨貼平  
正三更刀尺  
依微擲有聲

定風波 冬閨

凜凜西風日送寒  
長空一片雁聲酸  
衰草斜陽無限意  
離思蕭然獨  
自倚闌干  
閒擁金爐微覺暖  
腸斷無窮幽恨上  
眉端  
窗外梅花開  
又謝堪訝有誰信道  
不曾看

山花子 春雨

漠漠陰雲罨樹顛  
江南愁絕杏花天  
何限春情歸寂寞  
雨連綿  
紅  
暈桃膚逾覺豔  
碧沾柳眼更生妍  
只有深閨驚好夢  
未成眠

臺城路 七夕寄懷周禹臣慕僑昆季

多情常似遊絲捲關心况逢靈夕銀浦孤流纖雲一抹回首晚山千  
疊淒涼欲絕料知己今宵桐陰閒立闌角徘徊遙看秋燕已如客  
知否此際凝望在疏柳長隄青楓古陌星影分光鈴聲待漏搖醒一  
痕秋魄鵲橋無迹祇剩有吟魂臨風嗚咽闊別傷心寸腸千百結

沈成章字達卿諸生

秀水籍

有陸湖老漁行吟艸

小梁州 壬午春日小別諸丈元簡

小樓春半杏花天悵望神僊顏開梅蕊舌生蓮風流擅修得幾生前  
阿香昨夜隆隆起恐潛虬驀作飛鳶酒載賒字問徧暫歸期促三  
斗俗塵緣

漁家傲 庚寅春日題殷植庭平波垂釣圖

一舸鷗夷湖是宅老鶯賸與元真得棹破波光千載碧留僊迹斜風

細雨今猶昔 雲水閒情生小識  
風流公子華年客 便欲抽身分隱  
席塵澣窄把竿去去儂心亦

俞煥章字文伯號鈍庵有味書齋詞

桃源憶故人 桃葉渡

綠楊千縷陡邊舞 流水泠泠如故  
鸞鳳雙飛何處煙影迷南浦 護  
花人去花無主 零落秋風秋雨祇有綺羅兒女  
點綴秦淮渡

驀山溪 思親集梅邨句

客情憔悴倦尋芳私語牽衣淚醉春風枉自苦凝眸浪淘沙更風波滿江紅欲

前還止念奴嬌江頭尺鯉減蘭落日數歸鴻木蘭花慢支頤風入松儘行樂滿江

紅蠟鳳階前戲千秋歲窮途游子沁園春敢告吾勞矣千秋歲住處覓桃

源滿江紅待他年同幅巾歸里水龍吟懷清築起沁園春願與畫樓人子查

謝風塵滿江紅供甘旨千秋歲進酒春風裏同上

笠澤詞徵一卷二十

蝶戀花 用歐陽文忠公韻

婀娜春光烟柳畔日射簾波影  
彈雙釵釧天上飛瓊初識面  
新詩應和關雎亂不恨此生相見晚  
只恨從今難作同心拾檢翠休嫌仙  
洞遠時時走馬平蕪岸

忽地桃花隨水去人面難窺只怨來遲莫  
千丁蘇臺香草路空教種得相思樹  
無緒無情鸚鵡語雁杳魚沈可許重逢否  
撥盡飄蓬和墮絮知他油碧停何處

釋達塵字月樵梅堰顯忠寺僧主長慶寺講席有一指窩詩餘

少年游 鶯湖泛棹圖

芳草如煙綠波如縠迤邐水雲鄉  
輕槳雙划平湖萬頃宛在小瀟湘  
先生自署鶯湖長簑笠任行藏  
樹裏鐘聲沙邊鷗夢塵事淡相忘

笠澤詞徵

百尺樓叢書

卷二十一 閩媛

邑後學

陳去病輯錄

宋

胡與可號惠齋尚書黃由妻平江人

周密齊東野語黃子由尚書

女也俊敏強記經史諸書畧能成誦善筆札時作詩文亦可觀

於琴弈寫竹等藝尤精自號惠齋居士時人比之李易安云

董史皇宋書錄外篇狀元黃由妻平江胡氏號惠齋給事胡公

女也胡氏能草書今西山玉隆宮有題詩一首世又有草書襖

序四幅字雖未合法然大書橫放亦婦人所難出語豪縱自謂

紀聞劉過字改之能詩詞流落江湖酒酣耳熱出語豪縱自謂

軒詞已見岳侍郎珂程史最為辛所喜今又得好作沁園春上稼

書子由帥蜀中閣乃胡給事臣之女過雪堂行書赤壁賦於

壁間改之從後題一閱其詞云按繹徐驅兒童聚觀神仙畫圖

正芹塘雨過泥香路軟金蓮自拆小小籃輿傍柳題詩穿花覓

句嗅蕊攀條得自如經行處有蒼松夾道不用傳呼清泉怪石

盤紆信風景江淮各異殊想東坡賦就紗籠素壁西山句好簾

捲晴珠白玉堂深黃金印大無此文君載後車揮毫處看淋漓

雪壁真草行書後黃知為劉所作厚有餽貺錢墀黃溪志別

錄夫善詩文工筆札琴棋寫竹等藝皆精溪墅中匾額如木

笠澤詞徵卷二十一

蘭榭瑤華閣  
皆手書也

### 百字令

小齋幽僻久無人到此滿地狼籍几案塵生多少憾把玉指親傳蹤  
跡畫出南枝正開側面花蕊遽端的可憐風韻故人難寄消息 非  
共雪月交光這般造化豈費東君力只欠清香來撲鼻亦有天然標  
格不上寒牕不隨流水應不鈿宮額不愁三弄只愁羅袖輕拂

董史書錄夫人有文章兼通書畫吳人多相傳其  
嘗因儿上凝塵戲畫梅一枝仍題百字令其上云

### 滿江紅 燈花

暝靄黃昏燈檠上熒熒初炙銀焰裊孤光分夜寸心凝碧留照嬌顏  
歡笑偶上元慶賞嬉游夕笑聚螢積雪與偷光寒儒憶 蝶眷戀成  
河得花傳喜知何日聽隣家昨夜扣闌誰覓焰短始知新月上搖紅  
孤館因風急恨那人別後不成眠時時別

明

沈宜修字宛君山東副使琬女主事葉紹袁室有鷗吹集

憶王孫

雲屏寂寂鎖殘春錦瑟年華已半塵芳草留香燕語新繡苔茵金鈿  
瓊簫總帶人

如夢令 夜月

月暈天邊常有緒渾如中酒酒醒是何時樓外烏啼楊柳依舊依  
舊贏得梅花消瘦

前調

蕭瑟西風初動又是一番涼送燈蕊小牕斜往事不堪新夢愁重愁  
重綆短銀屏水凍

點絳脣 春閨

啼鳥嬌春細風吹向愁邊近  
新腸難問嫩籜含新粉  
夢繞天涯總  
是無憑準  
黃昏信落紅成陣  
買盡東風恨

前調 代人寫恨

寶鏡空圓薄情猶憶當初  
否指環在手對面成拖逗  
自悔無端信  
得虛名驟重陽後  
安排消瘦愁病長相守

浣溪紗 莫春感別

芳草連天不耐芟  
柳絲無力繫征帆  
垂條空折手  
纖纖人去河梁  
生寂寞  
燕歸簾櫳自呢喃  
可堪對酒溼青衫

前調

淡薄輕盈拾翠天  
細腰愁似柳飛綿  
吹簫閒向畫屏前  
詩句半緣  
芳草斷鳥啼多爲杏花殘  
夜寒紅露溼秋千

前調 侍女隨春破瓜時善作嬌憨之態諸女詠之余亦戲作



袖惹飛烟綠鬢輕一作雨翠裙拖出粉雲屏飄殘柳絮未一作暗知情

千喚嬾回伴看蝶一作拋半含嬌語恰如鶯一作微吐嗔人無奈惱

秦箏一作無賴夏風箏

### 菩薩蠻

紫駟嘶遍垂楊曉綠窗人正腰肢小紅袖拂瓊簫含情注小桃春  
歸人去遠春去人歸晚莫把杏花吹夜深啼子規

### 前調 送仲韶北上迴文

柳疏垂映長亭酒酒亭長映垂疏柳人去促飛塵塵飛促去人雁  
征愁信遠遠信愁征雁彈淚染綃紈綃紈染淚彈

### 前調 莫秋夜雨時在金陵

閒庭滴瀝秋宵雨紗窗燈影愁無語明月幾時來芙蓉何處開小  
樓應寂寞一夜江楓落雁唳碧天長殘更敲斷腸

前調 對雪憶亡女

疏梅香吐西欄曲娟娟一片瀟湘綠白雪繞庭飛彤雲接樹低  
謝  
孃何處去孤負因風句莫把舊詩看空憐花正寒

憶秦娥 寒夜不寐憶亡女

西風冽竹聲敲雨淒寒切淒寒切寸心百折迴腸千結  
瑤華早逗  
梨花雪疏香人遠愁難說愁難說舊時歡笑而今淚血

清平樂

柔情如結着意憑誰說春去風翻簾外鐵幾度天涯明月  
無端故  
故思量綠窗夢遠瀟湘啼鳥不知人恨數聲喚落斜陽

三字令

花落盡柳陰低雨絲霏香霧濕彩雲迷帶愁飛飛去也武陵西  
新  
夢短漏依依剩相思殘月冷曉煙淒蝶香濃鶯語碎斷腸時

烏夜啼 秋思 井梧未墜如悲宋玉之秋堤柳猶垂已動繁

欽之思幽花弄影散麗藻以參差璧月飛輝蕩青蘋而瀟灑  
於時星河凝碧耀流火於階前露氣霏微溼芳枝於簷畔北  
書之來雁無聞南苑之啼鶯正暖桂香半冷欲傳搗練之情  
松韻偏清可訴寒蟬之怨有愁難遣聊爾云焉

黛埽何如修桂腸銷渾似嬌棠新愁徧染羅巾淚涼月墜瓊瑤 脉  
脉籠殘斜日微微薰罷餘香繡窗花落瀟湘雨憔悴立西廊

柳梢青 初夏

綠暗薇屏紅飄荇鏡春付浮萍束素寒消薄羅香細數盡歸程 新  
篁翠徑初成微雨後荷珠濺傾玉管聲沈桐花影外一段閒情

瑤池燕 和君晦弟韻

輕寒陣陣欺花困半嫋垂楊乍籠餘恨藏微暈羅巾愁濕妝前認

傍簾櫳花影堆悶香消損東風幾負春信憑誰訊平波正遠憐雙鬢  
望江南 冬景八閩錄一

河畔草一望盡淒迷金勒不嘶新寂寞青袍難覓舊葳蕤野燒又風  
吹 蝴蝶去何處問歸期一架鞦韆寒月老滿庭鴉鳩故園非空自  
怨萋萋

虞美人 瓶中臘梅

生香素面檀暈懶傅何郎粉膽瓶折取貯仙葩試看漸將春色逗  
些些 纖枝不鬥東風巧耐雪衝寒早鏡前新寫漢宮妝却把玉顏  
淡淡拂輕黃

前調 立春

東風已上堤邊柳雪意還依舊畫羅綵勝學裁新不道閒愁又送一  
番集作春 年華只是侵雲集作鬢花信何由集作問待看雙燕幾

時來猶憶杏花長對月徘徊

踏莎行 君庸屢約歸期無定忽爾夢歸覺後不勝悲感賦此

寄情

粉籜初成薔薇欲褪斷腸池草年年恨東風忽把夢吹來醒時添得  
千重悶 驛路迢迢離情寸寸雙魚幾度無真信不如休想再相逢  
此生拚却愁消盡

前調

夢斷心灰詩成淚滴欲尋再夢難重覓雲山歷歷望中迷無窮烟樹  
連天碧 客舍雲深他鄉路隔難教夜夜長相識天涯只爲夢無憑  
參橫月落茫茫黑

前調 和凝云春思翻教阿母疑余以破瓜年亦何須疑直當

信耳作問疑詞戲示瓊章

芳草青歸梨花白潤春風又入昭陽鬢繡牕日靜綺羅閒金鈿二八  
人如蕊碧字題眉紅香寫暈青鸞玉綫裙榴襯若教阿母不須疑  
妝臺試向飛瓊問

前調 寒食悼女

梅萼驚風梨花謝雨疏香點點猶如故鶯啼燕語一番新無言桃李  
朝還暮 春色三分二分已過算來總是愁難數迴腸催盡淚空流  
芳魂渺渺知何處

滿庭芳

簾月光微屏山晝寂斷魂長遶離亭小窗人靜無語正傷情獨對殘  
燈明滅空憔悴難問寒英熏籠倚香銷鏤枕愁極不聞更 清清聽  
塞雁大邊嘹唳往事頻驚歎薇花夢杏翠黛凝橫漫說流黃錦字何  
處寄天上瑤京多少恨憑風吹去飛遶鳳皇城

前調 端午

團扇裁冰宮盤射粉畫簾不上銀鈎繡符艾虎雙繞玉搔頭皓腕輕  
籠綵縷蒲英泛蟻綠金甌雕闌外桐花低映紅袖賞扶留 香浮風  
澹澹迴廊轉午人倚重樓問當年菰黍誰爲飄流楊柳斜陽歸晚人  
去後曲散梁州空餘下莫雲淒靄長遶楚江秋

前調

玉樹香浮金波彩泛細風輕送雲行橋邊烏鵲千古說多情何事歡  
娛易散空悵望玉鏡銀屏堪憐處年年芳草青黛鎖秋橫 盈盈增  
悵望更更漏點處處雞聲看疎星漸曉珠露飛英腸斷鮫綃上休  
回首枉自魂驚還須問長河渺渺流向幾時平

前調 感懷

秋色將分莫雲初合四壁蛩韻悲慘薄紅微雨幾度自清宵多少西

風蕭瑟吹不盡楚夢秦簫疏楊外芙蓉映水清露鏡中凋 聊聊無  
語處酒凝杯冷爐緩香飄又鶯愁蝶倦花草烟消且把殘燈重別尋  
舊句看取紅綃從今後憑他風月莫莫與朝朝

玉蝴蝶 思張倩倩表妹

驚地流光驚換畫闌一帶烟柳初齊乍暖輕寒庭院盡日簾垂送愁  
來數聲啼鳥牽夢去幾樹游絲憶當年情含寶帳未解春思 堪悲  
盈盈極目幾多江水隔若天涯恨結丁香也應還自怪香綦漫思量  
花前舊約空招悵虛負芳期又誰知夜窗魂斷曉鏡低眉

念奴嬌 重午悼女兼感懷

傷心時候又端陽景色依然日暗柳藏鶯千百轉聲繞畫簾風竹舊  
恨吟花新愁泣夢細雨凝蒲綠淚殘芳草斷魂何處難續 休說簫  
鼓年年龍舟競渡玉盃傾醽醁今古興衰多少事不盡沅湘萬曲明



月山空青松露寂烟水長飛鷺落霞影裏怎如數椽茆屋

絳都春 上元夜

輕煙逗雨把陣陣柔風低縈庭樹草色乍芳梅影初斜消幾許春光  
早暗鶯驚時序上元也無端來去鳴香薰翠鵲聲弄喜畫闌私語  
漸近飛花引燕簾前舞又惹人添離句鐵鑊星殘玉膽瓶欹銀屏晚  
松梢月冷浮清露淺寒澹碧雲橫暮知見紅綠爭妍總堪愁處

水龍吟 丁卯余隨宦冶城諸兄弟應秋試俱得相晤後仲韶

北赴燕京余幽居忽忽恍焉三載賦此志慨

砧聲敲動千門渡頭斜日疏烟逗蓮歌又罷萸房將采愁凝翠袖巫  
峽波平蘅皋木脫粉雲涼透歎無端心緒臺城柳色難禁許多消瘦  
古道長安漫說小庭間盡應憐否紅綃雨細碧闌天杳三更銀漏  
雁塞無書清燈空藥但餘綠酒想當年白傅青衫還倩淚留雙袖

前調 六月二十四日和仲韶

碧天清暑涼生流鶯啼徹閒庭院又逢佳景誰家游冶芟裳闌釧曲  
岸扶疏遙山隴映鉛華月遍看盈盈無數簾鈎畫舫烟渚落霞千片  
一望臙脂簇錦恍當年館娃遺鈿朱顏旣醉妝窺水鏡珠翻團扇  
露溼雲凝六郎無似比將花面還羨取十里香風皓月素波長見

前調 悼女

綠陰慘結閒庭捲簾不耐看風雨竹深烟徑柳鋪雲影淡然秋浦小  
閣淒涼畫屏寂寞恨知何許口杜鵑啼罷落紅吹散祇剩得愁如縷  
一自楚些賦後又嬋娟幾番三五琴書畫永衣香猶在綺窻無語  
雪絮吟殘梨花夢杳傷心千古倚闌干只有芊絲芳草碧絲難數  
淡煙浮翠枝頭熟梅時候偏憐雨蕉翻恨綠梔含怨粉何堪勝數紫  
燕低飛黃鸝巧轉漸驚徂暑向風前搔首彩雲易散不盡淚痕千縷

寂寂繡床深鎖芸牋錦字成遺堵月殘香冷紅消碧碎熱腸相許  
欲覓仙踪難尋方士海天路阻漫思量總有南山雲竹怎書愁譜

前調 庚午秋日余作水龍吟兩闋兒輩俱屬和書之扇頭今

又經三載偶檢篋中扇上之詞宛然二女已物是人非矣可  
勝腸斷不禁淚沾衫袖因續舊韵賦此

空明擊碎流光廻腸一霎難尋舊芳華消盡涼蟾何意半垂疎柳飛  
葉恨驚凝雲愁結重重還又愴秋宵寥廓夜蟲悽楚楚傷心幾回低首  
盼望音容永絕斷腸祇剩文如繡橫烟拂漢征鴻將度月寒花皺

斜日啣江闌山欹陌昔年時候痛而今淚與江流總向西風同奏  
石城潮打千秋消磨不盡還相逗閒雲無定野水長縈縈紛繞岫古  
古今今朝朝暮暮如何參透歎依然風景茫茫交集但憑得秋容瘦  
看取嬋娟秋色西風搖落應憐否碧天空闊寒烟無數怨砧淒漏

把盃邀月醉濃愁極拚他中酒問廣寒丹桂集作情同苦酒悵幽飄  
殘何處斷香盈袖

霜葉飛 題君善祝髮圖

悶懷難表西風弄愁人踪跡顛倒笑拚華髮付淒涼露泣芙蓉老夢  
破柳烟蝴蝶曉沈吟擲鏡寒雲掃世事總休休但倩取幽牕月影夜  
半留照 憔悴動處非狂愁時非醉畫裏人應知道遶崖黃葉正紛  
紛好共哀猿嘯落蘂楚江君莫惱芳洲處處悲秋草自有閒雲飛伴  
松月山空桂叢烟渺

沈靜專字曼君光祿璟季女歸吳氏有適適草周銘林下詞選曼君吳江人宛君之

妹即詞隱先生幼女也先生嘗稱其才類眉山長公而坎壈困

阨亦頗似之故其詩詞多激烈之音適吳適之所著名適適草  
小詞附其後別撰頌古一卷於宗門會第一義知其  
得于頓悟者深矣自號上慰道人為三峯法嗣云

長相思

春未盈蝶睡輕柳外東風吹恨生日長花氣清  
瘦魂驚一聲鶯囀  
住愁魔不放行遙山翠半醒

菩薩蠻 春曉廻文

曉花留露春風小小風春露留花曉輕燕掠波平平波掠燕輕  
綠  
陰簾控玉玉控簾陰綠驚夢奈深情情深奈夢驚

前調 寒夜

梅花幾樹瀟湘曲依微影射林間屋風急莫江寒孤舟客思殘  
素  
屏憐小夢空賦霜華重明月冷山巔三更啼杜鵑

畫堂春 春感

疏烟捲翠靜林邊嫩雲不礙晴天綠蕪影裏燕飛旋山起眉鮮  
瞥  
見侵簾仄月回傷別塢啼鵑當時猶怨別離船忍隔重泉

蝶戀花 蛺蝶花

舞向低檐依嫩綠翠冷天涯影斷吹愁續幻就雲衣飛態足粉煙浥  
露枝頭浴 風動猶疑翻紫玉引得佳人誤入花陰撲靜斂香鬢還  
自宿蜂媒覓伴仍相促

前調

遠樹披煙翻翠縷繡粉生香寒月梨花露柳蕩雲輕春半暮殘陽流  
影低花塢 枝上嬌鶯猶解愬草綠簾陰生啓愁歸路搏就芳華天  
可悟悲歌又把年光度

鳳皇臺上憶吹簫 冬閨

天外霜飛江干風緊瓊閨夢冷芙蓉耐衾鴛紅薄雙袖單籠侍女漫  
施鸞鏡任教他翠鬢雲鬆幽窗畔一枝清逼玉映香叢 隆冬誰家  
嬌寵倚春華芳暖鮮語溶溶歎文心一縷有句拈慵生分曉山眉醒  
也應知做弄微衷綠莎際帆銜淡日猶度孤鴻

張倩倩字無爲贈待詔基曾孫女上舍沈自徵室周銘林下詞選

倩豔色清才年三十四而歿遺香僅存一二

浣溪紗 春情

幾日輕陰冷翠綃起來傭把柳眉描春情無奈困人嬌 簾外錦鴿

啼恨絮天邊征林下詞作帛雁寄書勞小窻閒撥篆雲林下燒作烟

憶秦娥 春怨

風雨咽鷓鴣啼破清明節清明節杏花零落悶懷千疊 情悰依舊

和誰說眉山深詞苑叢談作鬪鎖空愁絕空愁絕雨聲和淚問誰淒切

蝶戀花 丙寅寒夜與宛君話君庸作

漠漠輕陰籠竹院細雨無情淚濕霜詞綜作桃花面落葉西風吹不斷長

溝流盡殘紅片一作試問寸腸何樣斷殘紅碎綠西風片千遍相思才夜半又聽樓前

叫過傷心雁不恨天涯人去遠三生緣薄吹簫伴

李玉照會稽人上舍沈自徵繼室江蘇詩徵王迺敏云玉照年二十五夫亡撫孤守節三十八年

而卒

### 漁詞子

愁思縈懷嬾賦詩黃昏深院月來遲人靜處漏殘時一片幽情只自知

### 憶王孫

幽闌深閉日如年臨鏡無心整翠釧贏得愁腸兩處牽思淹淹裙帶閒拈花柳邊

### 如夢令 夜坐

夢人愁鄉初醒猶有殘燈相映鐵馬寂無聲金鴨沈烟已燼清冷清冷誰念繡衾孤另

### 醉公子 憶夢中美人



無意拈花片有恨拋鍼綫細想夢中人芳姿記未真  
默坐還相憶  
珠淚和香滴月色到牕紗尋思暗抵牙

周蘭秀字淑英應懿女平湖孫愚公室

構李詩繫弱英春日寫竹寄姊沈夫人云新籜初舒

雨後枝碧含香破淡相宜爲君寫出疏闌影一片寒光點墨池

減字木蘭花 夏日

晨妝草草縮髻慵梳新樣巧捲起簾櫳遠見荷開滿沼紅  
輕搖團扇薰風陣陣輕吹面隄柳條條帶雨拖烟拂板橋

踏莎行 秋懷

葉落平沙雲迷遠樹山色模糊人喚渡芙蓉笑摘上蘭橈輕鷗驚入  
波心去 衰柳含烟涼蟬咽露年年重覓王孫路可憐人靜玉樓空  
滿庭芳草家何處

如夢令 雨夜

梅雨夜窗春動早又新荷香送吹入畫樓來一段幽懷誰共誰共誰  
共漫擲燈前清夢

浣溪紗 初夏

雨過池塘萬綠生微風吹滿繡簾輕遠山一角夕陽明 靜裏荷香

來扇底夢餘蕉影倚窗橫關情何處玉簫聲

去病案此詞有兩本林下詞選歷代詞選均作

雨過梧桐萬綠平模糊山色逐雲行飄飄鶯羽傍風迎茉莉小庭香  
落袂夢餘蕉影倚窗橫隔樓何處度簫聲其意較遜今從詞綜錄之

滿路花 秋日閒居和朱希真韻

溪林晚雨乾一片山雲破荷池蘆汀畔吹魚火疏簾高閣澹澹輕煙

裏闌干方靜悄鳥弄花聲倚屏最惜殘臥 半松半竹綠蔭茶寮左

調琴與滌硯柴門鎖閒抽鄴架快讀新詩過莖蘭開傍我初月纔生

雙鬢輕喚人呵

周銘云前段  
悄字失韻

周慧貞字挹芬文亨女秀水黃鳳藻室

風入松 述懷

幾回惆悵厭臨鶯扶病倚闌干逢人懶整雲鬟亂眉兒淡留待郎看  
消瘦不禁搖扇遣情聊把琴彈 冰紋理罷展琅玕描寫恨千端雙  
雙飛落簷前燕啣泥轉故故成歡何事比來輕去夜深不得團團

顧蘭佩學憲大典曾孫女適玉峯何澹

清平樂

春柳

次庶其叔父原韵

去病案庶其原唱  
今已佚不可考

春光縹緲煙鎖何時了贏得離亭人去杳淚落隨他多少 從教蕩  
漾風前纖腰欲折可憐羨殺謝庭詠絮休言張緒當年

顧道喜

一作善

字靜簾進士自植女歸諸生許季通元方有松影庵

詞

周銘林下詞選元方性癖書博雅名通順治戊  
戌進士竹隱虬其次子也一門風雅咸出淵源

如夢令

高柳蟬聲哽咽四壁蟲吟悲切丹桂發天香疑是廣寒宮闕八月八

月又是中秋佳節周銘云季通和詞有無復夢游金闕之句靜態一笑遂借隱課子云

蝶戀花 閨情

日射紗牕花影透滿鏡春山雪面妝成候立遍蒼苔尋草鬪鸞鍼鳳  
綫拋殘繡拜佛朝持般若咒脈脈含情徙倚消長書聞道知愁還  
未久去年學得吹簫後

滿江紅 移居巖莊有感

禾黍斜陽村阜外紅霞飛滅回首處依稀風景繁華銷歇沼冷鴛鴦

荷泣雨臺荒麋鹿松搖詞選作籬月忽送來野寺斷鐘聲詞選作忽一聲野寺斷鐘過

疎籬缺清曉怨簾鈎揭王孫夢鷓啼血詞選作竭問天涯何處銅仙金

闕猿鶴三秋淹短草風雲萬里悲高碣料明朝好鏡不相瞞霜侵髮

周銘林下詞選云許定需字碩園靜簾之女陸素絲室自幼受詩於母氏如夢令壬子秋留別兄竹隱攜手階前吟月同調琴聲清絕上下古今編夜半燈殘茶熱淒切淒切風景依然人別鷓鴣天雪曉羅幙重重寒氣侵曉光先透紫絲衾半空飛下梅華瓣一夜

平添玉樹林焚獸炭酒徐斟安排新調入瑤京行人莫起江南恨  
 驢背奚囊興不禁又許心榛字阿秦一字山有許竹隱長女竹  
 隱宦黔寄以絕句云憑他道韞誇風絮爭似儂家有阿秦阿秦一  
 和再和有妝臺秋暮挑鐙事閒檢殘編到漢秦之句可以想其風  
 期矣與妹阿尊阿蘇阿芬唱和為樂又與母始張采于稱閨中詩  
 友菩薩蠻舟中感舊數聲漁笛斜陽裏離愁亦傍寒風起烟樹幾  
 人家冬殘猶放花昔時歡笑處各自東西去恰見斷鴻飛霜帆獨  
 權歸浪淘沙層樓觀雪六出繞庭中野外雲同斜斜整整舞長空  
 笑指青山頭白了似雨非風歸鶴失行蹤綺袂相逢梁園授簡奪  
 天工誰共梅花蕭索也人在樓東釵頭鳳題漁郎再訪桃源峯峯  
 亂村村斷一灣流水桃花岸春時雀秦時樂垂髫黃髮別來忘却  
 昨昨昨漁舟舊漁郎瘦了寧仍向人前漏山川錯仙凡各緣谿再  
 訪烟橫雲薄莫莫秦姊送別江頭江水清歸帆漠漠帶愁征鶴到  
 偶一作詞浣溪沙送秦姊送別江頭江水清歸帆漠漠帶愁征鶴到  
 鴿原上曉霜明木落千山鄉夢繞香橫半舫曉妝盈搖搖心事各  
 懸旌許心檀字阿蘇明慧好學其韻語多出天然兼工於書憶秦  
 娥燕來簾櫳卷穿來穿去雙雙燕雙雙燕鳥衣新翦天涯游倦銜  
 花杏苑胭脂片翩翹掠雨深深見深深見雕梁春永呢喃自遣眼  
 兒媚庭荷太華峯頭玉井蓮移種曲闌前綠衣笑擁紅妝新豔面  
 面堪憐珠實蜂鬚照水鮮宛宛洛波仙含情勿怨曉風披露夜月  
 籠烟許心澧字阿芬時年十二喜弄柔翰寄托詠吟黃玉蝴蝶詠梅  
 忽憶羅浮驚夢半簾花霧香入虛無一任朱樓斜掩黃鳥頻呼月  
 陰轉深藏丰韻霜痕澹越顯肌膚對他愁輕妝受凍疏影難扶清  
 癯東君傳信百花根動草短平蕪管領芳菲水邊先把一枝圖笛

聲橫落英自掃隴書斷新釀誰沾爲調羹衝寒先發春滿皇  
都去病案諸詞均清絕可誦惟不稔許氏籍貫故附錄于此

董如蘭字晚仙華亭人御史孫志儒繼室有秋園集

林下詞選  
仙詞意悲壯

閨閣中之有俠氣者雜之稼軒集中正復難辨  
去病案夫人  
晚居山塘與其子以製眼鏡爲業能精製各鏡約得百種云

### 浣溪沙 溪花

小立崖前支曉風宜人偏在露華濃盈盈臨水自矜容 翠鳥啄餘

青莖子游鱗疑狎粉香叢蓬牕撩亂畫圖中

### 大江東去 燕臺歸思

羈人情緒似禽魚誤入滌籠難出極日鄉關何處是雲樹蒼烟遙隔  
不敢哀號恐驚腸斷默默空悽惻自家兒女怎教他箇憐惜 應歎  
兩字功名半生勞頓堪笑還堪咄離別傷心夢中相聚後醒來悲泣  
悞我歸期欺他歸約各度如年日君平頻問故園何日歸得  
憂深如病萬千愁欲說傷心還歇是歲三春挨過了怎使重挨夏月

將近初秋歸鞭未整酷日同心熱啼痕新舊積來猶勝鵲血 千里  
有限關河無窮荆棘魚雁難飛越異日相逢須記取今後再休輕別  
魂夢堪憐朝朝暮暮不解辭登涉他時歸去定教真個歡悅

前調 午日和韵

端陽重遇可應是輾轉天高難越炫日葵榴疑是泪觸景偏增嗚咽  
三載離鄉兩經兵火孤負芳時節五絲續命寸腸應被千結 休問  
鼓吹誰家龍標何處風鶴成警怯魂夢飛揚旁人須訝道鬢斑形劣  
漁父忘言汨羅留恨醉醒憑人說伶仃兒女有誰爲我疼熱

搗練子 四時詞春冬選二

花寂寂畫陰陰枕上朦朧聽曉禽病裏不知春又半連天草色雨中  
深

初肥兔照寒牕窺探離愁眉鎖雙燈火連宵金穗重從今不信謊銀

缸

憶王孫

庭前新水色如藍  
穀雨初旬共浴蠶  
山家少婦指纖纖  
各攜籃日照  
柔桑露葉含

如夢令

雲外週輪璧月偏  
照人間離別音信動  
經年幾度風霜雨雪  
愁切愁切  
想見征衫千結

長相思

心迢迢路迢迢  
萬木經霜色漸凋  
秋容如畫描  
卯時潮酉時潮  
不見歸帆傍小橋  
愁魂銷未銷

浣溪沙 庭梅

牆角枝頭雨雪晴  
寒葩展靨若含顰  
蟾蜍今夜十分明  
細細暗香



和夢嗅椿椿懷抱費思評心頭有箇未歸人

鷓鴣天 雪宵

旅雁摩霄樓外聞窮途有淚怕留痕風高雪片搏成陣月暗梅花合  
斷魂 書滿架伴空樽牀頭燈火半黃昏推牕粉飾江山改愛惜瑤  
華只閉門

笠澤詞徵卷二十一

完

笠澤詞徵

百尺樓叢書

卷二十二

邑後學 陳去病輯錄

明

葉純純字昭齊虞部紹袁長女適袁氏有愁言集

浣溪紗 春恨

窗外梅花落素英隔簾啼鳥弄春晴斷腸芳草又青青 獨倚青鸞

愁日莫半籠金鴨怯寒生閒思心事暗傷情

幾日輕寒嬾上樓重簾低控小銀鈎東風深鎖一窻幽 晝永半 詞綜

作香消春寂寂夢殘獨語 詞綜作 燭跋 思悠悠近來長自只知愁

風雨閒庭鎖寂寥又看春色一分消翠屏斜倚思無憀 集作 聊 夢覺

情蹤 集作 踪 無處問悶來心緒最難描帶人殘病恨 林下詞 選作是 今朝

憔悴東風鬢影輕年年春色苦關情消魂無奈酒初醒 啼鳥數聲

人睡起催花一霎雨還晴斷腸時節正清明

芳草依依道路斜白雲何處是僊家空餘遠碧暮天賒紅淚滴殘

清夜月夢魂長繞淡梨花幾番臨鏡暗傷嗟

昨夜輕寒逗集作透薄羅曉來微雨忽相過紅英一半已看無好句

漫成嫌未切那知總為恨難摹集作模日長雙黛奈顰何

燕子初來壘故巢曉鶯啼恨更添嬌一春都是等閒拋不怨滿庭

風雨惡只教終日夢魂消東風空鎖綠楊腰

一段春慵曉鏡中怕聞花氣入簾櫳夜來思遍舊情踪粉蝶迷殘

煙草綠晚風落盡海棠紅凭闌千里暮雲重

前調 同兩妹戲贈母婢隨春

翠黛新描桂葉輕柳枝婀娜倚蓮屏風前閒立不勝情細語嬌諠

嗔亂蝶清醺淚粉怨殘鶯日長深院惱秦箏去病案集本兩首今從明詞綜

前調 新竹

百尺高抽出畫牆娟娟含粉秀冰霜靜臨深院日初長  
翠靄朦空  
籠曙色清陰搖月照宵涼南薰池館占風光

三字令 詠香撲

疑是鏡又如蟾最嬋娟紅袖裏綠窻前  
憐羞錦帶妬花釧  
蘭浴罷襯春纖撲還拈添粉豔玉肌妍  
蔚氤氳香馥郁逗集作透湘縑

玉樓春 立秋

微雲日莫庭花紫一葉飄輕澹羅綺扇輕長  
信泣佳人山冷蒼梧悲  
帝子樓前莫問相思字深院螢飛照砧杵  
西風燕去幾時歸  
秋夢芙蓉江上水

踏莎行 暮春

粉絮吹綿紅英飄綺又看一度春歸矣  
子規啼破夢初醒  
凭欄目斷

傷千里 塵世堪嗟流光難倚浮生冉冉知何似舊游回首總休題  
斷腸只有愁如此

前調 秋海棠

媚暈輕妝芳姿映砌檀心一點清香細對人無語似凝羞嫣然風韻  
多流麗 酒意將酣柔情欲繫盈盈泣向西風閉只愁人夢月寒時  
斷腸無那燈前睇

蝶戀花 秋懷

盡日重簾垂不捲庭院蕭條已是秋光半一片閒愁難自遣空憐鏡  
裏容詞作華換 寂寞香殘屏詞綜半掩脉脉無端往事思量遍正  
是銷魂腸欲斷數聲新雁南樓晚

繫裙腰 做錙叔儻

牕兒半掩簾兒清庭兒靜袖兒輕春兒老去傷情景兒明愁懶把步

兒行 黛兒蹙蹙髻兒傾欄兒倚悶盈盈萋萋綠草兒迷斷歸程歎  
聲聲只贏得病林下詞選作夢兒成

滿江紅

秋色澄清煙靄一作光淨碧天寥廓正此際荒涼滿眼集作悲涼滿目歲華搖

落鏡裏流光私自惜天邊斷雁集作瑤臺無路愁難託奈新來雙集作秋鬢不

勝秋集作悲渾蕭索問何處堪棲泊想蕙帳悲猿鶴更疎籬叢菊草

堂風籜無奈一作那都成虛負了塵勞客夢何時却怕集作被西風消息

暗驚心偷垂幙集作空思著

鎖窗寒 憶妹

蕭瑟西風啼螿滿院輓轡聲歇流螢暗照歸思頓添悽切更那堪近  
來信稀盈盈一水如迢迭想當初相聚而今難再愁腸空結 從別  
數更節念契闊情悰驚心歲月舊游夢斷此恨憑誰堪說漸江天香

老蘋洲征鴻不向愁時缺待聽殘暮雨梧桐一夜啼紅血

玉蝴蝶 感春

景色穠芳清晝游絲無力嫋嫋輕柔欲挽春光同住堪笑難留詞林下

肯為誰留碧烟侵舊時羅袖紅香淡獨自妝樓繡簾幽弄晴啼鳥喚雨鳴

鳩悠悠集作多憑高一望江南春色千古揚州回首繁華斷腸都付

水東流黯魂銷一番懷古空日斷萬縷新愁幾時休綠楊芳草春夢如秋

牕外曉鶯初轉柳陰陰處集作柳聲透過集作黃條上西樓好夢驚回深院簾

捲銀鈎集作蝦鈎霧濛濛杏花無語人寂寂芳草如羞恨綢繆幾多心事

盡屬眉頭集作謝娘慵凝眸集作熏篝新妝鏡裏東風無計吹破春愁

粉褪香消長門花月半沉浮問年年惱人紅綠林下詞看日日伴我

幃幃林下詞倚香篝黃昏雨後數徧更籌集作鎖眉頭黃昏疎雨勝似悲秋



前調 詠柳

拂地含顰寫黛無端贈折綠遍郵亭縱有風流萬種都是離情恨攀  
枝渭城客淚空送別灞岸歌聲舞腰傾年年弱力無限銷凝 春晴  
樓前憑望東風老去不耐柔縈澹碧輕黃酒旗村舍半橋橫向園中  
但傷鬱鬱看陌上莫怨盈盈黯黯心驚千絲萬縷總是愁生

前調 秋思

惆悵別來歲換清秋風月幾度悲傷極目蒹葭烟水一片微茫黯魂  
飛閒愁空斷還悵望孤悶偏長對池塘紅消殘碧綠怨初黃 淒涼  
蛩吟小院露寒金井月繞迴廊詩酒蕭疏舊游新恨總難忘掩重門  
臥殘清晝理瑤瑟燒盡爐香數流光秋燈閃淡無限徬徨

水龍吟 早秋感舊次母韻

蕭蕭風雨江天淒涼一片秋聲逗香消菡萏綠催蘭芷烟迷遠岫淚

隔星橋雲遮碧漢薄羅涼透蚤無端拈起一簾愁緒都作鏡中消瘦  
寂寞文園秋色這情懷問天知否簷鈴敲鐵琅玕折玉聽殘更漏  
淡月疏櫺小庭曲檻暫消杯酒便小槽引盡珍珠只怕淚紅沾袖  
葉小純字蕙綢主事紹袁次女諸生沈永禎室有存餘草

浣溪沙 爲侍女隨春作

髻薄金釵半鞦輕佻羞微笑隱湘屏嫩紅染面太多情 長怨曲闌  
看鬪鴨慣嗔南陌聽啼鶯月明簾下理瑤箏

前調 新月

纖影黃昏到小樓弱雲扶住柳梢頭捲簾依約見銀鈎 妝鏡慵開  
纔出匣林下詞作試蛾眉學畫半含愁清光先自映波流

前調 春日憶家

翦翦春寒逼絳綃幾番風雨送花朝黃昏時節轉無聊 夢裏家鄉

和夢遠愁中尺素與愁消夢魂書信兩難招

菩薩蠻 暮春迴文

柳絲迷碧凝烟瘦瘦烟凝碧迷絲柳春莫屬愁人人愁屬莫春  
雨  
晴飛舞絮絮舞飛晴雨腸斷欲昏黃黃昏欲斷腸

踏莎行 過芳雪軒憶昭齊先姊

芳草雨乾垂楊烟結鶻聲又過清明節空梁燕子不歸來梨花零落  
如殘雪 春事闌珊春愁重疊篆烟一縷銷金鴨憑闌寂寂對東風  
十年離恨和天說

前調 暮春感舊

萱草緣階桐花垂戶陰陰綠映清涼宇輕風搖曳繡簾斜畫屏難掩  
愁來路 世事浮雲人情飛絮懨懨愁緒絲千縷無聊常自鎖窗紗  
嬌鶯百轉知何處

水龍吟 秋思和母韻

西風一夜涼生小庭秋色還依舊井梧聲碎驚回殘夢鴉啼衰柳竹  
粉全消荷香初散韶光難又看塔前細草凝愁凝怨無語慙慙低首  
幽徑湖山徙倚雨方收苔痕如繡萍蕪飄盡曲池清淺照人眉皺  
野寺疏鐘長江殘月去年時候謾追思付與中流聽取夕陽蟬奏

葉小鸞字瓊章一字瑤期自號煒夢子紹袁幼女有返生香集

葉紹袁續窮聞云吳門潘菴大師凍瘡宿德也受天台智者大  
師止觀之教障神趣中現女人身以佛法行實事余家設香花  
蟠幢敦延大師問以亡女瓊章師曰瓊娘向係月府侍書女也  
因遊戲人間故來君家今仍歸山仙府隨為遣使招之少頃  
即至題句云韓風琴瑟女歸來萬福尊前且節哀二語即止似  
哽咽不能成者又作詩呈潘有從今別却芙蓉主永侍猿牀沐  
下風之句云願從大師授記不往仙府矣師云皈依必須受戒  
受戒必須審戒我今一一審汝師云會犯殺否女云會犯會呼  
小玉除花鈿也遣輕紈壞蝶衣會犯盜否云會犯不知新綠誰  
家樹怪底清簫何處聲會犯淫否云會犯晚鏡偷窺眉曲曲春  
裙親繡鳥雙雙又審四口惡業會妄言否云會犯自謂前生歡  
喜地詭云今坐辨才天會綺語否云會犯團香製就夫人字鏤

雪裝成幼婦詞會兩舌否云會犯對月意添愁喜句拈花評出  
短長謠會惡口否云會犯生怕簾開譏燕子為憐花謝罵東風  
又審意三惡業會犯貪否云會犯經營細帙成千軸辛苦為花  
滿一庭會犯噴否云會犯棄珠環收漢玉戲捐粉合葬花魂師曰子  
會犯癡否云會犯勉之戒名曰智斷字絕除今泐師無葉堂中  
固一綺語罪耳遂予之  
稱絕禪師者  
即瓊章也

如夢令 辛未除夕

風雨簾前初動早又黃昏催送明日總然來一歲空憐如夢如  
夢惟有一宵相共

生查子 送春

風飄萬點紅零落臙脂色柳絮入簾櫳似問人愁寂 憑欄望遠山  
芳草連天碧深院鎖春光去盡無尋覓

點絳脣 戲為一閨人代作春怨

新柳垂條困人天氣簾慵捲瘦寬金釧珠淚流妝面 凝佇憑欄忽

靚雙飛燕閑愁倦黛眉淺淡誰畫青山遠

又 暮景

薄捲紅綃斷霞西角斜陽遠畫長無伴閒去題花扇  
獨倚闌干看盡歸鴉遍輕雲亂涼風吹散新月中天見

又 夏日雨景

竹徑深深流雲曉度羅幃靜雨絲幾陣滿地桐花冷  
濕翠侵眉纖暈蒼苔影看無盡倚屏人映一片瀟湘景

浣溪沙 春思

紅袖香殘日上初殘香無力清風扶綠隄時掩悶妝梳  
一向多情嫌刺繡近來聊喜學臨書鳥啼春困落花疎

又 春闈

幾日東風倚畫樓碧天清靄半空浮韶光多半杏梢頭  
垂柳有情

留夕照飛花無計卻春愁但憑天氣困人休

又 春暮

春色三分付水流風風雨雨送花休韶光原自不能留  
夢裏有山堪遜世醒來無酒可澆愁獨憐閒處最難求

曲曲闌干遶樹遮半庭花影帶簾斜又看暝色入窗紗  
樓外遠山橫寶髻天邊明月伴菱花空教芳草怨年華

又 春閨

曲榭鶯啼翠影重紅妝春惱淡芳容疎香滿院閉簾櫳  
流水畫橋愁落日飛花飄絮怨東風不禁憔悴一春中

又 初夏

香到荼蘼送晚涼荷風輕約薄羅裳曲欄憑遍思偏長  
自是幽情慵捲幌不關春色惱人腸誤他雙燕未歸梁

又 同兩姊戲贈母婢隨春

欲比飛花態更輕  
低回紅頰背銀屏  
半嬌斜倚似含情  
嗔帶淡霞籠白雪  
語偷新燕怯黃鶯  
不勝力弱懶調箏

菩薩蠻 春日

輕煙一抹連天碧  
簾前規月和煙白  
翠竹落梅疎  
相憐雪霽初  
博山香欲燼  
風透紗牕冷  
四望寂寥寥  
閑階花影搖

又 初秋

池塘碧浸芙蓉面  
蓮房怨粉驚團扇  
何處一聲聲  
隔溪歌採菱  
輕雲流影急  
秋入平蕪色  
塞雁幾曾還  
一江烟水寒

減字木蘭花 秋思

暮蟲淒切獨倚疎簾  
清夜月悵望瑤臺  
不見飛瓊步  
月來秋光如練  
江上芙蓉開欲遍  
流水殘霞斷  
送西風入鬢華



又 秋思

睡花蝴蝶枕上夢魂輕似葉幾許秋聲惱亂琴心病茂陵  
雲橫霧  
竊天外青山何處在蕉雨瀟瀟不管人愁只亂敲

卜算子 秋思

天淡水雲平風嫋花枝動羅幙涼生翠袖輕柳外飛煙共  
獨坐思  
悠揚簫管慵拈弄帳冷西牕一夜香寂寞添幽夢

謁金門 秋晚憶兩姊

情脈脈簾捲西風爭入漫倚危樓窺遠色晚山留落日  
芳樹重重  
凝碧影浸澄波欲濕人向暮煙深處憶繡裙愁獨立

上陽春 詠柳

無數灞陵橋畔離人淚染一生空自管消魂只贏得腰肢軟  
陌上  
樓頭長見翠絲分線和煙幾度蕩斜暉誤紫燕歸來晚

又 柳絮

點點離魂如雨輕狂隨處天涯不識舊章臺更阻斷遊人路  
蒸地  
送將春去燕慵鶯懶飄飄閃閃去還來拾取問渾無語

阮郎歸 秋思

紅綃秋鎖小樓西綠鬢鸞鏡低曉妝初罷思依依徘徊花影移  
沉  
水熱綺櫳垂閑愁不上眉鴛鴦新繡袂羅衣初寒半暖時

南歌子 秋夜

門掩瑤琴靜窗消畫卷閑半庭香霧遶闌干一帶淡煙紅樹隔樓看  
雲散青天瘦風來翠袖寒嫦娥眉又小檀彎照得滿階花影只難

攀

浪淘沙 春閨

終日掩重門鶯燕紛紛晝眠微醒覓殘魂強起亭亭臨鏡看重整雙

雲 倦倚碧羅裙又早黃昏侵階草長舊愁痕惟有垂楊千尺線縮  
住餘曛

又

薄暮峭寒分羅簾香焚粉牆留影弄微曛一縷茶煙和夢煮卻又黃  
昏 曲曲畫湘文靜掩巫雲花開花落負東君賺取花開花又落都  
是東君

杏花天 春暮

翠煙無意撩書幌帶芳草侵雲漸長晚風初作落花聲九十將闌未  
賞 南園路風光暗想聽喚雨鳴鳩兩兩小池水皺萍漪綠泛得紅  
香恹恹

河傳 秋景

雲散風淡疎陰涼淺碧漢悠悠玉鈎柳邊掛斜西畫樓初秋井梧先

自愁 小幔輕雲澄練綺清光美好把鏡奩比倚闌干鞞鬢鬢遠山  
秋煙點黛彎

又 七夕

橋畔鸞扇星鈿霞釧暫撇殘機步移思量去年今夕時淒其未期先  
慘離 借得嫦娥初月鏡窺瘦影拂拭翠眉整駕雲蜺河漢西淒迷  
只愁鷄暗啼

臨江仙 端午

團扇新裁明月影珠簾半上瓊鈎榴花紅到玉釵頭綵絲宜續命綠  
砌遶忘憂 酒泛菖蒲香玉碎嫩紅雙靨橫秋畫船盡日集作鬧芳

洲集作蕭蕭煙雨外還鎖楚江愁

虞美人 殘燈

深深一點紅光小薄縷微微裊錦屏斜背漢宮中曾照阿嬌金屋淚

痕濃 朦朧穗落輕烟散  
顧影渾無伴愴然一夜漫凝思  
恰似去年秋夜雨牕時

小重山 曉起

春夢朦朧睡起濃  
綠鬟浮膩滑落香紅妝臺人倦思難窮  
斜簪玉低照鏡鸞中  
徐步出房櫳閒將羅袖倚立東風  
日高烟靜碧綃空  
春如畫一片杏花叢

踏莎行 早春即事

檐畔梅殘堤邊柳細  
暖風先送游人意  
流鶯猶未弄歌聲  
海棠欲點胭脂醉  
鳥踏風低烟橫雲倚湘簾  
常把春寒閉無端  
昨夜夢春闌  
絲絲小雨花爲淚

又 閨情

意怯花箋心慵繡譜  
送春總是無情緒  
多情芳草帶愁來  
無情燕子

啣春去 倚遍闌干斜陽幾許望殘山水濛濛處青山隔斷碧天低  
依稀想得春歸路

又 秋景

悴葉零愁清香入繡小山叢桂

集作王孫桂小

塗黃就畫樓

集作簾

日影上簾

集作銀

鈎松風一枕消清晝

片雨涼生小風波緞疎疎翠玉琅玕逗

斷雲飛盡碧天長數枝烟柳斜陽瘦

唐多令 秋夜

燈暈伴殘更蕭蕭落葉輕訴窮愁草際蟲聲欄外芭蕉新嫩綠仍做  
出舊秋聲 羅被夜涼清淒然夢亦驚透紗窗月影縱橫幾遍鷄聲  
啼又曉空盤損兩山青

蝶戀花 春愁

鶯地東風池上路綠怨紅消竟是誰分付不斷行雲迷楚樹閉門寒

食梨花雨 雨後斜陽芳草處  
閒把情懷付與東君主  
便向西園飄柳絮  
不能飄散愁千縷

又 秋海棠

淺綠嫣紅開幾許  
誰料西風也解傾城  
嫵酒暈盈盈嬌欲半  
佇心檀吐輕含雨  
剪向屏山深處貯  
似笑如愁旖旎憐  
還慙低鞞對人渾  
不語斷腸應恐人無緒

千秋歲 即用秦少游韻

草邊花外春意思  
將退新夢斷閒愁  
碎慵嫌金葉釧瘦減香羅帶  
庭院悄只和鏡裏人相對  
過了鞦韆會  
荷葉將成蓋  
春不語難留在  
幾番花雨候  
一霎東風改  
腸斷也年年賺取愁如海

玉蝴蝶 春愁

夢破曉風庭院粉牆花影  
睡起恹恹幾日雙蛾愁  
損鏡春裏尖看盡

他鶯梭柳線都織就霧錦雲縑最難忖催花小雨依舊廉纖 堪憐  
韶光淑景芊芊芳草寂寂鈎簾燕子歸來花香都向綠琴添散閒愁  
流紅泛去消酒困濕翠飛粘怯春衫香烘裊裊袖護摻摻

疎簾淡月 秋夜

紗窗欲暮漸暝色朦朧暗迷平楚斷雁淒哀點點遠天無數蒼烟染  
遍西風路剪江楓飄紅荻浦畫欄東角疎簾底畔徘徊閒佇 漫羸  
得長宵如許又錦屏香冷繡幃寒據滿耳秋聲長向樹梢來去蕭蕭  
竹響還疑雨悄窺人嫦娥寒兔壁搖燈影空階露結怨蟲相語

水龍吟 秋思次母憶舊之作時父在都門

井梧幾樹涼飄滿庭景色仍如舊啼鴉數點斜陽一縷掛殘疎柳有  
恨林花無情衰草風吹重又看輕陰帶雨天涯萬里樓高漫頻搔首  
記泊石城烟渚落紅孤鶯常如繡輕舟畫舫布帆蘭棹暮雲天皺



水靜初澄蓼紅將醉早秋時候對庭前蕭索西風惟有寒蟬高奏

芭蕉細雨瀟瀟雨聲斷續砧聲逗凭欄極目平林如畫雲低晚岫漸  
老金風乍零玉露薄寒輕透想江頭木葉紛紛落盡只餘得青山瘦

且問沈寥秋氣當年宋玉應知否半簾香霧一庭煙月幾聲殘漏

四壁吟蛩數行征雁漫消杯酒待東籬綻滿黃花摘取暗香盈袖

周銘林下詞選昔黃山谷稱晏小山詞爲高唐洛神之流其下者亦桃葉團扇今讀返生香諸詞則全是高唐洛神非復桃葉團扇可髣髴也

顏繡琴字清音吳縣人適分湖葉氏

### 謁金門

愁脈脈幽恨滿懷誰識芳信經春還又隔晚風花陣急  
紫燕雙雙飛入簾外一天雲碧可奈妝臺人寂寂繡書和淚蹟

長相思 憶葉昭齊表妹

思漫漫恨漫漫春色芳菲取次看閒庭花影寒  
繞闌干倚闌干夢

見雖多相見難紅香泣夜殘

沈憲英字蕙思一字蘭支中書自炳長女葉世俗室  
林下詞選憲英適葉虞部

仲韶第三子世俗與沈宛君又嫡姑姪也所著甚富饒有家風  
王豫江蘇詩徵王屋云憲英年十七適威期威期宛君三子

也越二年威期卒以節聞

點絳脣 憶瓊章姊

簾外輕寒謝娘風絮無人見桃花如面腸斷春歸燕  
人去瑤臺祇

覺東風賤花成霰  
詞綜作湘簾捲夕陽千線煙鎖深深院

水龍吟 胥江競渡

薰風池館新篁片紅飛盡驚梅雨紈扇初裁羅衣乍試又逢重午萬  
戶千門游人爭出俱懸艾虎看碧蒲紫恨朱榴沾醉似續離騷舊譜

惆悵韶華易換最關心畫船簫鼓當年沉水今朝寒食依然荆楚

抉日城邊捧心臺畔恨垂千古霎時間惟見清江一曲綠簑漁父

前調 哭少君姑母

徐鉉云葉天寥治史云沈智瑤內人季妹也鸛吹五君咏珠輝映月流玉彩迎花度

可以想見風格矣有詩刻彤奩續些年三十餘以怨恨自沈于水而死俗婦蘭支其內姪女也有詞哭之調寄水龍吟云

水晶深處瓊樓湘君

詞苑叢談作湘風

半捲鮫綃軟桂旗翠陌平沙碧草瑤

天烟煖寶柱哀弦曲終人杳晚江清淺奈芳菲極目雲霞未賞都倩

靈妃游伴 寂寞楚山高遠夜半猿聲淚痕滿鏡消菱月釵沈蘭霧

霎時分散恨逐波香愁隨浪影一天幽懣歎銷魂正是白蘋黃葉暮

鴻悽斷

點絳脣 早春

簾幕輕寒斷腸漸入東風片游絲千線難挽離愁半 小立迴廊劃

損雕闌面春誰見梅花開遍烟鎖深深院

虞美人 留別蘭餘妹

白雲掩映青山老鬢人霜華早今宵且醉畫屏前明日還移小艇綠  
楊烟 黃昏細雨重門鎖挑盡孤燈火斷腸無處問天公夢逐陌頭  
芳草付殘紅

滿庭芳 中秋坐月和素嘉甥女

螢火流光蛩吟向夕冰輪碾破瑤天香飄雲外桂子靜娟娟對月幾  
人無恙多半隔遠樹蒼烟難逢是一庭聯袂把盞看重圓 無限淒  
涼況含毫欲寫累紙盈箋任金風拂面玉露侵肩還惜良宵促無繩  
繫皓魄長懸應飛去廣寒宮裏清影共愁眠

吳 芳字若英銓部昌時女貢生祖錫妹適秀水徐然 周銘林下  
詞選然字

撫辰素以詩文名世 去病案若英伯父昌期居嘉興  
富而無子以祖錫為嗣故銓部遂移家焉稱鴛湖主人

丁香結 為未婚顧烈女作

蘭拂清芳菊垂素影那容蝶蜂輕逗待粧臺攀折繡簾永伴任淒清

相守不堪人去也花容杳鏡鸞虛負含芳斂豔更教甚日重撚玉手

難又看嫋嫋嬌枝休礙綵絲牽袖柳絮沾風牆花笑路從教甘受

誰識香心有主怎許憐清瘦拚宵來顛顛敢惜塵埋罌缶

阮郎歸 寄遠

東風吹就雨廉纖慵將鍼綫拈暗愁多半上眉尖殘燈和淚添 羅

帳冷鬢髮偏無言且獨眠欲憑清夢到君邊誰知夢也慳

應蕙纒字紉芳一字小晚進士彩妹諸生吳鏘室有唾香閣集詞苑

叢談吳玉川夫人龐小晚蕙纒詩詞書法擅絕當世片紙隻字莫不珍惜有青蓮女伎小青者色藝皆精嘗演戲後堂持扇叩

唾香閣乞書夫人即調桂枝香一闋有浪萍飛絮前生果別是傷心一小青之句一時傳誦青亦憮然自失遂有意脫籍林

下詞選小晚工臨池筆法遒勁能書扁額詩久著名歸吳君鏘字聞瑋借隱泉石賦詩自娛龐有句云常同仿帖凌晨起每伴

敲詩午夜眠唱隨之樂可想見矣江蘇詩徵王采茵云小晚

性穎敏讀書一二遍終身不忘能通經義尤長於詩骨秀氣清如花中蘭蕙迥殊凡豔子聞小晚奩有漢玉書鎮值數百金為人竊去後鏘見於戚友家歸語其配將詰之小晚曰安知其非

得於他所詰之將使人得不美名失德不如失玉也其寬厚如此女啓湘亦工詩許字潘未未嫁卒

點絳脣 次沈素嘉韵

十載芳隣自憐一別還如雨看雲愁緒隔箇江天樹 佳句曾題小

楷紅箋處頻看取相思難據

南洲詞話作何限松陵詩徵作無數

一瞬情千縷

塞垣春 代明妃悲

塞馬嘶平野四正處悲風卸天南極望亂雲滿目珠淚偷瀉正黯然  
鄉思滿懷也更羌管鳴秋夜想娥眉漢宮欲妒沙場巧相嫁 無計  
問君王可猶把嬋娟繫掛縱漢使頻迴奈長恨難寫嘆何時故園重  
見待安排歸夢清宵下怨寄琵琶裏單于應淚灑

鷓鴣天 病中聞家慈同元姨爲予誦經誌感

詞苑叢談隨春一名紅于葉小

戀侍妾也戀歿後歸麗氏別字元元

終歲懔懔怯往還盈盈兩袖淚痕潛一心解織愁千縷雙鬢慵梳月

半彎 鴛被冷瑣窗寒翻經畫閣懺紅顏枕函稽首殷勤意不盡箋  
題寄小鬟

滿江紅 書嘉禾李孝貞女事

地老天荒重翻過鴛湖春色記當日白衣來夢前身西極事見本傳千古

男兒忙不了一時閑閣輕收得羨緹縈緩急請從行真堪激 曹娥

恨江猶黑陶嬰志環空碧想呼蒼哀籲藥鐺朱實女父病願以身代

中服之 淚浣楓根終有痛魂棲廟樹知何日聽城南夜夜杜鵑啼催

明月

沁園春 仲春爲二姒三十初度

曉鏡初開喜傍妝臺日上花梢看梅痕雖淡尙飄積雪柳絲未吐遍  
拂長條風送紅香烟凝翠黛春到簾櫳淑景饒風光好正筵前燕喜  
牕外鶯嬌 蘭芳玉映堪描許謝女班姬第一標任荆臺歌舞低頭

織錦秦樓夜月並坐吹簫甲子平分花朝前後寶瑟瑤琴逸韻調閨  
中近羨霞觴引滿人在雲霄

如夢令 春閨

春到韶光堪戀妬殺畫梁雙燕妝罷捲珠簾遲日和風吹面人倦人  
倦無數落花庭院

浣溪沙 夏日

綠映亭臺薄暮天薰風寂靜小庭前暗香浮動一池蓮 柳絮紛紛  
飄畫檻桐花點點墮湘簾紗牕雨過却慵眠

少年游 重午娶婦偶成

鳳冠初卸龍舟正渡佳節恰新婚  
鑿遣姑嘗拜隨堂上紅燭昨宵停  
葵榴艾虎曉妝纔竟深淺畫眉痕  
願來年此日兒生鎮惡客滿盃



柳 是隱一名本姓楊名愛字影憐應一作憐號如是或作一字靡蕪自

號我聞居士又號河東君常熟錢謙益繼室林下詞選柳隱字

伯牧齋所著有戊寅草雲開陳大樽為之序陳其年婦人集

人日河東君風流放誕是永豐坊底物冒襄注河東君錢尚書

婦人尚書築我聞室以居之嘗於鴛湖舟中作百韻以贈柳中

有句云河東論氏族天上問星躔漢殿三眠貴吳宮萬縷連瑤

光朝孕碧玉氣又生玄又云纖腰宜蹴鞠弱骨稱鞦韆天為投

壺笑人從爭博顛又云凝眸亦好溶漾坐生憐薄病如中酒

輕寒未拆絲清愁長約略微笑與遷延君之風神才藝概可見

矣陳文述西泠閨詠如是名是亦名隱又名因本姓楊名愛

字影憐一字靡蕪晚歸虞山錢宗伯稱河東君宗伯與為西湖

之游刻東山倡和集顧荅撰河東君傳徐芳撰柳夫人小傳陳

其年婦人集徐執本詩三岡識略觚賸蓮坡詩話柳南隨之

皆載之甲申以後嘗勸宗伯殉國難晚殉宗伯家難世多賢之

墓在虞山耦耕堂故址迷失久矣余宰琴河訪得

修之且樹碣焉桃花得氣美人中如是西湖句也

滿庭芳 留別無瑕詞史

紫燕翻風青梅帶雨共尋芳草曉痕明知此會不得久殷勤約略別

離時候綠楊外多少消魂重提起淚盈紅袖未說兩三分 紛紛從

詞一第 卷一

去後瘦憎玉鏡寬損羅裙念飄零何處烟水相聞欲夢故人憔悴依  
稀只隔楚山雲無非是怨花傷柳一樣怕黃昏

夢江南 懷人

人去也人去鷺鷥洲菡萏結爲翡翠恨柳絲飛上鈿箏愁羅幕早驚  
秋

人去也人去夢偏多憶昔見時多不語而今偷悔更生疎夢裏自歡  
娛

人何在人在木蘭舟總見客時常獨語更無知處在梳頭碧麗怨風  
流

人何在人在畫眉簾鸚鵡夢回青獺尾篆烟輕壓綠螺尖紅玉自織  
纖

踏莎行 寄書

花痕月片愁頭恨尾臨書已是無多淚寫成忽被巧風次風吹碎人  
兒意 半簾燈焰還如夢水銷魂照箇人來矣開時須索十分思緣  
他小夢難尋跡

金明池 寒柳

有恨寒潮無情殘照正是蕭蕭南浦更吹起霜條孤影還記得舊時  
飛絮况晚來烟浪迷離見行客特地瘦腰如舞總一種悽涼十分憔悴  
尙有燕臺佳句 春日釀成秋日雨念疇昔風流暗傷如許縱饒  
有繞堤畫舫冷落盡水雲猶故念從前一點春風幾隔着重簾眉兒  
愁苦待約箇梅魂黃昏月淡與伊深憐低語

趙芬瀟月軒詞金明池云震澤王硯農藏河東君書鎮青田石高  
寸餘刻山水亭榭款云仿白石翁筆小篆五字面鐫崇禎辛巳暢  
月柳靡蕪製十字研農方搜輯河東君詩札爲靡蕪集將以付梓  
適得此于骨董肆云新出土者自謂冥冥中所以酬其晨鈔冥寫  
之勞也余見其拓本因題此闕即用靡蕪集中詠寒柳約片玉飛  
來脂香粉豔解佩疑臨蘭浦誰拾得絳雲殘燼歎細帙早成風絮

脂芳名巧琢苔華揮小艸依約芝田鶴舞伴十樣濤戲摩深織手  
記否我聞聯句玉樹南朝罪淚雨共紅豆春蕤飄零何許雷幾  
縷綠珠恨血只畫裏山川如故二百年洗出苔痕感詞客  
多情燃膏辛苦想蘇小鄉親三生許認試聽深篋幽語

周 瓊字羽步一字飛卿有借紅亭詞衆香詞羽步少警悟工詩

適士人爲一縉紳所惡陷固固自度不能脫乃令羽步往  
江北避其鋒託所知棲一大姓者庶下經年篋中金蕩盡所居

陋甚破牕讀壁幾不蔽風雨然羽步意致條然略無怨尤意喜  
縱觀古史書愛吹彈時作數弄以遣興郡中人士有以詩寄贈

者羽步即依韵和答詩俱慷慨英俊無閨幃脂粉態如文人薄  
命非因妬俠女狂歌更種情兩過積泥侵屐齒風來寒色滿山

樓往事易悲休記省壯心難遂且忘機錦字怕隨江雁斷詩魂  
還逐曉鶯流暖日不須來燕子春風爭肯逐桃花每憐俠骨慚

紅粉肯學蛾眉理豔壯皆警句也送張又琴校書之廣陵一律  
雉皋冒巢民夫子亟稱之詩曰桂檝風輕繫綠楊恐增離恨暫

相忘琵琶漫撥思鄉調綉領重燒心字香雲碧夢迷新楚岫月  
明人憶舊斜陽石榴花下分明認不信劉郎勝阮郎後依婁東

吳梅村祭酒婦人集羽步詩才清俊作人蕭散不以世務經  
懷傀俄有名士態生平尤長七言絕句居如皋冒先生深翠山

房八閱月吟詠頗多如贈范洛仙云黯淡消魂猶倚樓登山臨  
水又逢秋檐前垂柳絲千尺只繫柔腸不繫舟贈蘇真仙云一

架薔薇滿袖香同行誰不羨紅妝平生最愛清幽事肯惜凌波  
遶曲廊又寄懷洛仙云蕭騷越客獨淹留汗漫西風柳岸秋安

得秋風解我意好吹此恨到揚州此等詩極似唐人截句也  
褒注又羽步贈吳湘逸詩云絮語花陰夜未央細聆音韻轉悠  
揚君今幸作吹簫侶儂願期為雙鳳皇意蓋有為也  
話西冷女子周瓊有詠冒巢民匿峯廬詩後出家為性道人  
名媛詩話羽步詩雄宕秀拔足救刻翠翦紅之習贈吳蕊仙句  
云樽前紅袖夜談兵答人句云每憐俠骨慚紅粉肯學蛾眉理  
豔妝皆有  
英傑氣

### 謁金門

風屑屑吹冷一簾新月深院薔薇和影折兜裙紅刺密  
昨夜露濃  
苔滑早又殘花濃葉間倚紅牕尋綠蜨掀簾銀蒜揭

### 昭君怨 詠鏡

一片青銅如月照出妾顏如雪雪月兩堪誇勝如花  
背地檀郎情  
顧恰似死央兩個含笑倚郎肩月中仙

### 浣溪沙 纖手

嫩玉纖纖整素絃慣彈別鶴最堪憐幾回私語把衣牽  
愛插鮮花

時掠鬢怕沾飛絮故掀簾漫籠雙袖倚欄干

葉 文字素南仁和張賁孫副室

衆香詞素南善寫蘭竹工詩詞初適嚴某困于貧落魄吳門偶

識雲間許太史往來甚久常有寄詩曰荒齋蕭瑟簾櫳靜好夢雲間許翰林之句後歸武陵張繡虎出游塞外而沒

憑闌人

渺渺春風憶瘦腰空見垂楊踈地飄憑闌魂欲消長條復短條

減字木蘭花 遠眺

長安陌路來往征車寧計數底事關心遠隔天涯沒信音 剛纔捲

幔偏惹楊花爭撲面那得人歸只見黃鶯作對飛

沈靜筠字玉霞檢討沈位曾孫女浙江石門縣呂律室

林下詞選玉霞爲山

人呂元洲室沒後常降乩作詩詞與呂酬答語意超曠殆飄飄欲仙矣松陵詩徵前編崇禎時吳中士大夫家盛設乩壇一日有女仙降壇自稱玉霞內史尋復有稱呂山人律者與女仙唱和考沈氏家譜檢討位曾孫女適石門縣呂律夫婦同仙允是

佳一段話

鷓鴣天

一片春光遍九宵  
這回風月也全消  
重來繡閣吟殘句  
不數緱山弄

玉簫 身外事等閒拋  
萬層雲路碧迢迢  
香南雪北何由見  
直比人

閒午夢遙 周銘云玉霞又有詞云平波澹蕩烟無  
跡碧落清虛月有痕二語固非仙不能

去病案沈氏自詞隱先生後徵特羣從子姓精瑩律呂即閨房之  
秀亦並擅倚聲惜載更兵火遺著飄零茲編所輯十不迨一他如  
沈幽馨蕙端詞隱從孫女也適嘉興諸生願必泰亦工詩詞尤精  
曲律然詞已難得曲則以輓昭齊瓊章得名文長不錄別錄其他  
作如下針綫箱暮春曉起觀雨云為昨宵峭寒無寐聽風雨三更  
驟起到朝來見幾樹紅芳墜一帶麗華俱廢烟籠池館清波溢霧  
鎖溪橋弱柳低名園裏探幽香峽蝶空自爭飛其二恰纔問海棠  
開未又忽早蓄微淡矣却教人慕地驚心碎時序未經春飄零  
花事隨流逝寂寞鶯期羞浪啼蘭閨裏啓紗牕愁對烟景淒其金  
絡索夏日閑中云炎蒸氣漸衝弱體生煩冗惱殺啼蟬觸處齊喧  
哄偏將午夢驚思无窮輕步乘涼水閣中榴花紅噴千枝火荷蕊  
香翻十里風歌聲送採蓮人棹畫橋東酌悠揚飛入簾櫳忽逗起  
閑情

重

笠澤詞徵卷二十二

完



卷二十三

邑後學 陳去病輯錄

清

吳貞閨字首良曹村諸生金叟室

林下詞選首良善書鼓琴來牘有晉人風致蘇臺名媛集云其

詩詞舉體芳焉不減李夫人珊珊來遲時也蘇州府志首良工詩善書尤精琴理年二十五叟卒有孽子生甫兩月寄乳在外首良親撫育之至授室復天嗣孤半歲復撫之守節垂四十年去病案首良與金叟妻邵俱為太僕寺少卿金之鑛子婦且俱以節稱故取冠篇首亦見曹村靈秀之氣其鍾於婦人為獨厚也彼人臣之懷二心者對此能毋抱愧耶

臨江仙 春閨

曉牕怯怯羅衣薄  
癡打鸚哥豆落呼鬢欲剪  
雨中花為甚  
泪含來花  
人情自各  
睡起情絲關不住  
織在眉峯一處非愁非病  
為誰來癡  
倚玉樓前忘却收鍼刺

吳靜閨字珮典貞閨妹適汝南周氏

林下詞選名媛集稱其詩有因風飄去帶月浮來之况

紅蕉集珮典幼萃黃庭經得其筆法  
與姊氏並工詩春蘭秋菊各極森秀

謁金門 春思

春心老懶向花衙去考工夫一半愁中了睡情殊草草  
鳥泣春歸  
咽早春去如何去討啼音說與鏡中人打起相思稿

虞美人 蘭

湘簾水簟秋初捲人在西風宛暗香何處拂衣來行過畫欄深處蝶  
徘徊 竹溪寒玉曾同倚雪塢清無暑一枝和露碧垂垂恰似楚江  
寒雨夜來時

顧氏雪灘釣叟有孝女兄也適蓬萊令沈自南

錦纏道 墨繡

數尺光綾色相莊嚴無有看濃抹淡妝渾一絲如掃煙霞帶豎眼  
低眉只在纖纖剖 儼攜向天孫從何措手問女紅更能知否歎金

針莫度頑蒙仗慈悲洪力頂禮勤稽首

徐鉉云標格如許何減謝家道蘊耶

沈少君諸生永禪姊

林下詞選少君吳江人中丞沈宏所孫女太學沈君張女幼工詩詞未字而歿遺稿有繡

香閣集惜與劫火同燼不傳於世蓋亦香奩之恨事也今於伊弟醒公處覓得謝池春一闋并梨花柳枝兩絕句其梨花云冰肌玉骨是天成不向礪華門色新最是嬌香無着處夢隨蝴蝶墜中庭其柳枝云青粉牆高弱柳低柳烟拖碧嘯雙鷗叮嚀似與行人說賸取藏身幾箇枝

謝池春 曉起梨花將謝感賦

細雨輕寒院落重門深閉爲花愁平添幾許寶釵慵整獨把闌干倚  
怪春工忒恩恩矣 明朝只恐狼籍粉痕歸砌早難支一襟憔悴雪  
肌素面相對空凝睇快須呼玉樓人起

吳文柔字昭質兆騫女弟吳縣楊忠文先生廷樞子焯婦有桐聽

詞

謁金門 寄漢槎兄塞外

情惻惻誰遣雁行南北慘淡雲迷關塞黑那知春草色  
細雨花飛繡陌又是去年寒食啼斷子規無氣力欲歸歸未得

### 長相思

關山秋故山秋葉落宮槐起暮愁新涼作意收  
蓼花洲荻花洲分付蛩吟且暫休斷腸人倚樓

沈樹榮字素嘉諸生沈永植女母葉小純也副榜葉舒胤室有月

波詞希謝稿

周銘林下詞選樹榮適同邑諸生葉舒穎即仲韶先生從孫其所製家庭酬倡居多可想見涓陽之

韻事矣江蘇詩徵王屋云素嘉葉蕙綱女也承母  
教工詩詞與龐小畹善多贈答唱和之作爲時所稱

### 如夢令 秋日

小院西風初透一霎涼生雙袖幾日怕關情猶道芳菲時候是否  
否添得鏡中消瘦

點絳脣 寄吳夫人小畹

隔個牆頭幾番同聽黃昏牆一作頭雨別來情無一作緒向北看春樹一作蝶

能來一作去一院藤花底是臨書池一作處還分取詩徵作綠窻朱戶裊裊

茶煙縷

臨江倦 病起

草草粧臺梳裹了捲簾猶怯憑樓年光荏苒又深秋一番風似剪兩度月如鈎病裏高堂頻囑道而今莫更多愁當時檢點也應休重新來眼底依舊上眉頭

滿庭芳 中秋夜同諸姪坐月

宿雨全收晚涼乍爽微雲點綴長天廣寒宮做素面露嬋娟影浸閒

庭如水看浮動竹霧梧煙林下詞作梧竹和烟相依處團欒共話人月恰雙圓

記闌干十二桂花叢下分擘紅牋許詩成險一作次韻學步隨肩一

向秋光隔斷清輝好兩地空懸今夜永參橫斗轉幽賞不成一作眠

水龍吟 初夏避兵惠思三姪母棲鳳館有感追和外婆憶

舊原韵

誰知到處徘徊謝庭風景多一作都非舊畫堂塵掩蓬生三徑門垂疏

柳白晝初長清風自至流年空又看多情燕子飛來還去真個不堪

回首 昔日嬌隨阿母學拈鍼臨窗挑繡斜陽樓外熨殘銅斗線紋

舒一作渾皺蠶欲三眠鶯還百轉落花時候問重來應否銷魂試聽江

城笳奏

沈蕙紉字蕙貞龍門知縣永令次女諸生吳梅室江蘇詩徵王迺敏云蕙貞矢志

柏舟臨歿謂其弟浣桐曰頃得詩二句病多未得專醫肺瘦盡何須更論腰真可悲也去病案蕙貞詞絕不見惟丁氏詞綜補載一首又與沈素嘉作從同不知何據今姑兩存之

臨江仙

草草妝臺梳裹了山闌干外凝眸年光荏苒又深秋一番風似剪兩

度月如鈎 病裏高堂頻囑付而乃莫更多愁當時檢點也應休從  
新來眼底依舊上眉頭

喻

撚字惟綺指妹侯鼎臣室有蕙芳集

周銘林下詞選惟綺才情豔逸園中秀林下風

殆兼之矣 去病案惟綺原籍吉水其兄非指隱居梅里爲西郊高士之一故特錄之

踏莎行 借嫂游湖浦

畫閣粧餘東風正早且閒刀尺聽啼鳥湖鄉十里趁花開凌波莫惜  
鞦韆頭小 樹裏人家隄邊芳草遠山無數橫天表頻年苦憶故園春  
今年始覺江南好

搗練子 春日偶占

香欲冷雨初殘春事無多怕繞闌侍女不知愁絕處卻持花片向人  
看

浣溪紗 示蓮女

曉日當窗理繡絲莫調金粉莫拈詩倦餘聊倚碧梧枝  
道蘊才華  
妨靜女少君風範是良師耽書休似阿娘癡

吳森札字文照號瀟湘居士孝廉溢女有瀟湘集  
林下詞選文照賦性喜讀書坐

禪

望江南 別情

人去也晚霽送行舟欲倩遠山留落日待登高閣怯新秋滿目是離  
愁

菩薩蠻 晚沐和韻

晚風乍引新涼入捲簾慵向粧臺立日影下西廂小池菡萏香  
解  
鬢輕貼地蘭沐香縈臂莫便棄殘膏還將潤玉搔

綺羅香 賦得願在衣而爲領

一幅鮫綃幾回忖量拈却繡刀裁剪穩貼雙肩記把芙蓉扣掩綵珠



翠頰影沉吟臨鏡面瘦痕羞斂漫尋春蝶眷蜂憐芳心猶恐舊香淺  
繡罷重封奩篋怕新來寬褪瓊酥銷減倦壓鴛衾闌歸休教再染  
愁春去怨雨啼雲惜花殘香柔紅軟解羅衫閒疊熏籠甚心情更展  
菩薩蠻 願在髮而爲澤

羅幃夢覺孤衾冷綠雲斜擁珊瑚枕強起翠髮偏梅花點額前 堆  
鴉香澤溜雙燕釵頭門影破海棠枝蜂窺蝶又知

鳳皇臺上憶吹簫 閨情代作

風淡烟濃困人天氣被池香煖貪眠惱曉鶯啼破春夢闌珊強起悄  
登粧閣無限恨都上眉尖漫贏得鏡中人對着意相憐 慙慙愁成  
病也任雲鬢蓬鬆懶整花釧把鳳釵輕擲日日虛占無奈青鸞信杳  
憑欄望泪眼幾穿春郊外馬嘶芳草常認歸鞭

沈關關字宮音上舍自繼女烏程王玳室

詞苑叢談楊卯君字雲和沈君善之側室工於

繡佛名流多題詠之作君善輯針史行世其女關關字宮音尤能出新意所繡山水人物無不精絕嘗墨繡顧茂倫濯足圖尤悔庵題漁家傲一閃其詞云我夢吳江煙水皺綸竿擬挂垂虹口不道逋翁濯足久枕且漱滄浪一曲天如斗深院玉人閒譜繡粉香妙寫溪山友宛轉絲絲盤素手林下秀小名獨占毛詩首

### 臨江仙

春睡惺惺如中酒小庭閒步徘徊雨餘新綠徧蒼苔落花驚鳥去飛

絮捲愁來纔覺春來春又暮枝頭纍纍青梅年光一瞬總堪哀浮

雲隨水逝殘照上樓臺

去病案此閃別見詞雅謂是葉小紈作題稱經東園故居句亦微異如首句作舊日園林

殘夢裏小作空餘作乾捲作滾至過片處作探得春回春已暮總作最水逝作逝水均不知何據今仍從林下詞選以周與沈同鄉同時較可信也

沈友琴字參荇隱君永啟女諸生周鈺室有靜閑居詞

林下詞選參荇雅工

文墨與其妹緝阿稱一時聯璧歌詞往往有傳誦于人者

浪淘沙 月下桃花

清露醱花煙皓魄無邊數枝低亞笑嫣然一自天台迷路後辜負年  
年蟾影暈霞鮮似共流連茅齋相對恍疑仙賺得東風今日好莫  
爲愁牽

臨江仙 爲烈女顧季繁賦

彤管徒傳緱嶺怨採蘭又釀新愁此身已許便相酬一朝巾幗志千  
古丈夫儔慷慨捐生猶易事從容就義難求樓空人去冷香篝雲  
寒朝欲暮月淡夜何修

沈御月字纖阿參荇妹皇甫鏗室有空翠軒詞

虞美人影 送春和韻

送春春去添煩惱閒悶何時得了試看落紅多少點破階前草流  
鶯樹上啼聲悄驚破羅幃夢杳斷送鏡中人老都爲春歸早

唐 榛字玉亭夔州人邑令甄女宜興周書占室

去病案玉亭父以官爲家謝政

後即終老于  
邑故特錄之

浣溪沙

深掩重門白晝清東風午院落花輕碧紗牕外雨新晴  
烟鎖垂楊  
愁欲結夢迴香閣恨初生枝頭黃鳥一聲聲

清平樂

江南三月好雨知時節一夜小樓聽不歇桃花李花俱發  
重樓山  
外青山春光多在珠灣試問清風明月何曾拘管人間

浪淘沙

把盞饒東君綠皺紅翠爲春憔悴不憎春嬌鳥避風翻葉底狼籍花  
茵  
細雨溼香塵柳魄梅魂今年花伴去年人只有心愁如織錦別  
樣翻新

吳瓊仙字子珮一字珊珊翰林院待詔徐達源室有寫韻樓集  
亮洪

吉更生齋集瓊仙嗜吟咏兼工  
繪事暇即發揮烟雲摩寫花鳥

黃金縷 題葛秀英澹香樓詩鈔

鳥飛兔走何時了秋月春花背地催人老塵土何如仙闕好青元一  
夢醒偏早 新樣冰厨花印小妙手靈心事事堪傾倒半縷梅魂驚  
乍杳遺香剩得蘅蕪草

梧桐影 遲外子不至

漏未殘香猶馥明日天工晴不晴玉蟲燒向燈前卜

南鄉子 題廖織雲女士畫

煙鎖雲平依稀此境昔曾經雞犬人家都不管山花亂屋角斜陽紅  
一段

菩薩蠻 酬外子正月十二日吳江風阻寄懷之作

一番風信春來矣如何寂寞孤篷底鈴語聽無聊三更第四橋 癡

情誰解得細與殘燈說燈不受人愁花開偏並頭

唐多令 題竹陰美人畫扇

對雷却書倉燈煙繞洞房望妝臺只隔紅牆半露腰身剛一搦便料  
得小鞦韆 底事費回腸推敲一字忙碎秋心記起還忘最好幾重  
寒玉影千个字正當牕

清平樂 題馮甥月夜聽簫圖

碧桃開了春事江南早刻翠裁紅詩思好花信番番吟到甥有二十

詞阿誰紅豆親拈碧簫偷拋檐前贏得玉人雙笑秦樓月正纖纖

汪玉軫字宜秋陳昌言室有宜秋小院詞鈔名媛詩話宜秋工詩善畫所適不偶乃賈

文以自活偶吟云風飄柳雨飄花多少新愁上碧紗借問過牆雙蛺蝶春光今在阿誰家其境困厄於此可見

菩薩蠻 題郭頻伽鑿盟鷗圖

雨晴雲澹江村暮輕舟短棹葦間渡秋晚水風涼白蘋花暗香 野

鷗三十六溪上閒相逐招隱有前盟烟波深復深  
幾聲漁笛滄江晚一痕疎雨汀沙軟夢穩櫂頭船與鷗相對眠  
夜來霜月苦聽得征鴻雨辛苦度關河天寒風雪多

醉花陰

春雪連朝晴未久細雨今宵又窗外有梅花難護難遮知道飄零否  
瘦 薰籠火冷三更後料峭西風透獨坐暗銷魂月色昏昏花影和人

長相思

夜寒生夢魂驚半燼蘭膏暗壁燈床頭飢鼠行  
數長更起離情倚枕填詞句未成推敲直到明

偷聲木蘭花

綠牕盡日垂簾幙底事輕寒來隱約節近黃梅庭院濃陰不放開

翻書聊遣閒愁悶無那晝長人意困衣覆薰籠灰冷重添獸炭紅

風光好

掩花關啓花關看遍春光春又殘動愁端空庭雨過苔痕碧天寥

寂短短回廊曲曲欄且盤桓

誤佳期

雪後晚雲消盡檐際冰釵光映兔華如晝正元宵庭院添幽景獨  
立小迴廊深夜衣裳冷下階步月又徘徊滿地梅花影

酷相思

漸漸春歸何處覓早過了清明節聽簾外瀟瀟還淅淅風聲也催愁  
集雨聲也催愁集一桁紗窗侵綠色庭院添寥寂歎有限青春誰  
解惜花下也多時立月下也多時立

菩薩蠻



愁中得句渾難續無眠夜半燒燈燭風送露微茫逼人秋氣涼  
熏爐添獸炭香篆微微散何物助吟情一蟲階下鳴

西風庭院人淒絕梧桐幾片殘秋葉敲著紙窗樵孤衾和夢聽  
更和短角催得燈花落觸目總銷魂低頭見淚痕

慵添沈水看香燼和愁坐擁薰籠冷薄病怯衣單宵深不耐寒  
殘缸紅燄小寂寂蘭闥悄明月滿窗前欲眠猶未眠

### 海棠春

無端一夜東風驟便吹得杏花消瘦待等小桃紅是晚春時候  
惜花心事花知否看鏡裏雙眉長皺花信一番番只芳年難又

### 清平樂

小樓連苑叢桂天香滿一桁湘簾侵曉捲極日平蕪近遠  
蕭蕭淅淅西風嘹嘹嚶嚶征鴻一種秋聲難寫斷腸付與絲桐

搗練子

宵不寐漏難終淅淅燈花落盡紅明月似憐人寂寞移花扶柳上簾櫳

范 玉字素君山陰人上舍郭麐側室

闌干萬里心 題浮眉樓圖依夫子韻

春山平遠不宜秋新月彎環只似鈎說與蕭郎莫浪游怕登樓一曲

闌干一曲愁

陸 惠字璞卿一字又瑩張澹室有得珠樓箏語玉瓊集歸佩珊云此卷雖所著

不多要皆丁當清逸悱惻芬芳緣情綺靡不傷乎雅婉變多姿之外仍有幽閒貞靜之風

如夢令 寄外子客館

正苦花深霧重密字銜來青鳳一字一明珠照徹心心俱痛如夢如  
夢夢裏將愁細種

菩薩蠻 和外子韵

清暉兩地明如此將人置入相思裏形影不能雙淒然獨掩牕  
愁  
思腸角繞香篆心頭裊瘦筆一枝攜新詞和淚題

浣溪沙 十月十九夜寒甚寄外子客中

檐鐸郎當雁語孤霜風走葉柝聲粗可憐情味倩誰摹  
一點寒鐙  
挑不起兩行清淚滴將枯問君此境似儂無

憶舊游 題五湖漁莊圖

指湖光一抹巒翠雙螺縹緲堪尋天末迷離影賸濃雲攤絮隔斷烟  
岑卜居水竹何處遐想碧波深便畫出巢痕訪來詩境煞費仙心  
沈吟故鄉路歎樹杪斜陽誤了歸禽鷺向圖中見有鷗眠遠渚鷺立  
寒溇漁莊似此清劇未許點塵侵試卷上疏簾西山爽氣涼到襟

小重山 題岳忠武王玉印用集中韵

展卷如聞匣劍鳴  
辱朝摧大將  
歎蟆吏獨留一印  
尙孤行  
傳姓氏  
紙上眼分明  
點畫著忠名  
蟲沙經浩劫  
路千程  
有人能寶爨餘琴  
金陀史播作楚些聽

姚 汭字琮娥潘御雲室有香奩稿

南鄉子 送春

寂寞鎖羅幃  
愁看雕梁燕子飛  
九十韶光今已盡  
春歸一望庭前花影稀  
皓魄自生輝  
萬籟無聲烟霧迷  
乍見楊花飄紫陌  
輕微忽有薰風吹我衣

丁 湘字花濃諸生兆寬姊

女青蓮 題蘭馨女史折桂圖

去病案此詞附見丁兆寬集而佚其調徧攷羣籍亦不可得姑

節詞內女青蓮字標首以俟知者

展芳圖錯認天仙笑  
態嫣然是女青蓮  
桂籍前身風鬢小  
影月姊齊

杜宇一聲中怪爾花無語宛轉告愁魂且自隨春去  
樓外映垂楊  
翠滴絲絲雨芍藥喚將離怎肯留春住

百字令 闌干

曲廊迴繞更玲瓏卍字纏綿低亞料峭春寒纖雨過十二珠簾齊挂  
芍藥香濃海棠紅暈點綴文窻下叢叢花影倩他明月描畫 曾記  
中酒心情沈香亭北幾度春歸也萬里懷人將拍徧珠淚無端偷灑  
點筆重來尋詩漫撫還把烏絲研畫長容悄倦時斜倚聊且

柳腰輕 柳影

朦朧貼地柔枝軟闌干外和煙澹倚風憔悴市池婀娜簸弄煙痕深  
淺似描畫張緒神清待裁量小蠻腰減 已是離愁攪亂又絲絲數  
番吹斷灞橋驢跨驛亭蟬曳颺出諸般淒怨盪波鏡千縷愁眉織斜  
陽萬條恨線

外香初放踏澹冰魂瘦影瓏玲移上瑤階月一痕

金縷曲 秋暮抵里舟泊垂虹有感

舟泊垂虹住正秋深丹楓落盡寒蟄泣露到得家鄉翻有恨回望白  
雲何處暮烟裏月痕徐吐極日關山江水闊淚模糊難覓來時路腸  
斷也共誰語 一聲哀雁鳴江渚更那堪殘鴉疏柳夕陽古渡多少  
才人存沒地祇剩江淹恨賦正渺渺余懷如許舊恨新愁渾不定仗  
西風吹夢隨潮去孤帆捲碧天暮

蘇幕遮 春陰

畫闌幽深院靜風颺簾波簾外春雲暝半雨半晴天未準何事東君  
慣做愁人景 步蒼苔穿曲徑垂柳絲絲瘦到銷魂影淚滴香桃紅  
玉冷不爲傷春是與花添恨

生查子 送春同楊蕊雲姊作

杜宇一聲中怪爾花無語宛轉告愁魂且自隨春去  
樓外映垂楊  
翠滴絲絲雨芍藥喚將離怎肯留春住

百字令 闌干

曲廊迴繞更玲瓏卍字纏綿低亞料峭春寒纖雨過十二珠簾齊挂  
芍藥香濃海棠紅暈點綴文窻下叢叢花影倩他明月描畫 曾記  
中酒心情沈香亭北幾度春歸也萬里懷人將拍徧珠淚無端偷灑  
點筆重來尋詩漫撫還把烏絲研畫長容悄倦時斜倚聊且

柳腰輕 柳影

朦朧貼地柔枝軟闌干外和煙澹倚風憔悴市池婀娜簸弄煙痕深  
淺似描畫張緒神清待裁量小蠻腰減 已是離愁攪亂又絲絲數  
番吹斷灞橋驢跨驛亭蟬曳颺出諸般淒怨盪波鏡千縷愁眉織斜  
陽萬條恨線

珍珠簾 簾波

蝦鬚浮碧魚雲暝六曲闌干低浸銀蒜押連環涼意瀟湘沁窄地靴  
紋憐百折漫晃得爐香烟冷風定有疎絲密縷織成幽恨 殘夜欲  
起還平瀉虛庭半角銀河斜耿薄露灑珍珠點滴浮泡影潑上翠  
流月去颺迴廊鸚哥涼醒難省認花外瓊鈎都牽藻荇

燭影搖紅 燈暈

掩映紗屏細風搖影光如豆悖悖酣酒病宵深背坐銀缸後照我幾  
回僂懣不分明疏花暗溜看朱成碧轉綠回黃團圞時候 倦眼麻  
茶錯疑月姊初華就無聊情緒怕黃昏罩住眉間皺頂上圓光熱透  
驗陰晴者番應否夢回羅帳鳳脰低垂一腔紅瘦

掃花游 苔縫

乍過小雨早嫩碧庭階晚風徐動細紋錯綜要榆錢十萬替伊填空



約伴行來蹴損鞋尖繡鳳笑春冗記手劃粉牆題句曾共 冰砌融  
淺凍更碧瓦參差綠痕分送半弓漫弄愛香泥暗鎖一花涼涌底事  
纏綿剪出愁苗亂種露華重溜圓珠滴殘蛩夢

蝶戀花 觀繩伎

紅粉牆邊停畫艇綠樹陰陰半露驚鴻影裙颺留仙風不定彩絲約  
住雙鈎穩 小立迴身香汗映薄薄斜陽照上秋蟬鬢舞瘦垂楊花  
酪酏鶯鶯燕燕差堪並

洞仙歌 題孫夫人梅花小影

朱闌宛轉愛橫斜疏影好伴瓊仙晚妝靚待鋤將明月剛向空山低  
迴久鶴唳碧天雲淨 無言凝望處鏤雪裁冰打疊春愁與花證玉  
笛莫輕吹凍雀聲中最怕是夜寒香暝羨林下丰姿展新圖似灑落  
天風散花仙境

沁園春 愁用吳穀人祭酒韵

最怕春殘細雨紗窗流鶯亂啼問東風料峭何能吹去柳枝牽惹  
地來時芳草煙輕斜陽影淡而地簾垂睡起遲無聊賴把曲闌倚徧  
暗數歸期 尋思惜別傷離奈接舊添新只自知悵郵筒欲寄貯將  
萬斛錦機纔理織出千絲燕語梁間花飛池畔兜裏閒情半晌癡難  
排遣任心田堆積沒計埋伊

又 夢

惻惻輕寒悄悄簾櫳爐香半溫正溟濛月色迎來倩影迷離花氣扶  
住芳魂行過屏山兜回曲徑漫整鸞釵掠鬢根弓鞋怯奈喘絲無力  
斜倚重門 低巡來去何因任風捲楊花壓枕痕憶言愁鸚鵡啄殘  
紅豆棲香蝴蝶約徧黃昏玉漏聲催蘭釵花拖一霎游仙寄此身關  
情處有旅愁鄉思繞向孤村

鳳凰臺上憶吹簫 遲李紉蘭姊信不至

雲洗遙山煙凝晚岫西風庭院秋深正翠凋疏柳紅足寒林贏得閒  
愁如許清宵永蛩語苔陰窺愁鬢溶溶夜月驀地難禁 關心雁兒  
過也憑徧玉闌干錦字書沉望吳山渺渺越樹森森追憶當年小別  
猶牽恨何況而今空惆悵韶華老去只賸悲吟

生查子 題晚香樓圖

月冷小紅樓薄命悲今古香草美人空燕子渾無語 慧業種愁根  
留得傷春句零亂碧桃花可有魂來去

許 珠字孟淵號蕊仙諸生簡女震澤吳煥室有蠶宦吟稿

醉花陰 雪晴和子纖

檐際瑤琤飛玉溜日影簾帷透雲散北風寒庭角疎梅一縷香初逗  
頻將芸葉添金獸覓句消清晝懊惱侍兒催今日晴窗妝罷堪描

續

前調 感舊懷韵珊夫人

北舫南船弦管奏燈月明如晝江畔度元宵有個人人同醉黃昏候  
分襟那得重相守往事空回首莫道不思量百轉千迴贏得龐兒

瘦

柳含煙 和子纖作

凝愁黛舞纖腰最是一年春好處問梅遮杏不勝嬌近花朝 惆悵  
短長亭畔路常繫香車小駐離情別緒倩誰描黯魂銷

臨江倦 愁

心小能容萬斛眉纖可疊千重來時無據去無蹤催人青鬢改伴我  
客囊空 飄蕩夕陽影裏勾留羌笛聲中城堅難借酒兵攻消磨閒  
歲月裝點病形容

袁希謝字寄塵棟玄孫女王雲帆室有素言集

去病案寄塵早寡與顧佩芬董松筠

號吳江  
三節婦

鵲橋仙 七夕

銀河耿耿鵲橋填否試想彩雲堆裏雙雙曾未訴離愁聽壺漏三更  
近矣 月光斜照良辰易過促織聲催不已年年此夕了相思纔了  
却相思又起

阮郎歸 七夕戲贈織女

今宵腸斷各東西不堪新別離無聊且去理殘機相思意緒迷  
河  
畔望景依稀餘情繞石磯早知會後更淒其何如未會時

臨江仙 照影

悄地行來池畔立風吹兩袖飄飄瞥然見影欲相招翠蛾愁鎖處不  
語恨偏饒 看去可憐身怯怯伶仃着水難描依依相對黯魂銷卿

如憐我瘦我淚向卿拋

雨中花 落花

一夜驚心風雨驟歎幾種嬌花怎受碎玉飄愁殘枝惹恨黯黯離魂  
候 滿地落紅如綴繡聽燕語春風依舊瓣惹蛛絲香闌蝶夢寂寞  
簾垂晝

點絳脣 感懷

鏡怨琴悲生涯如許真堪歎病中愁畔只覺年華賤 滿目淒涼脉  
脉同誰見難消遣肝腸寸剪血淚拋花片

妝罷蕭條傷心嬾拂菱花照蛾眉不掃兩鬢如秋草 輾轉無聊影  
與形相弔愁難告夢魂知道去路瓊臺杳

于曉霞字綺如金壇人于尙齡女母馮蘭貞也金文淵室有小瓊

華仙館詞

菩薩蠻

雨纖風軟春將半  
春愁空逐游絲亂  
孤負踏青期  
游蹤因病稀  
畫梁雙燕懶  
落花閒庭晚  
金鴨篆煙殘  
羅衣怯

水調歌頭

山色澹何處  
都在渺茫中  
白雲千縷萬縷  
忽現又還封  
如此風光休  
誤只合焚香煮茗  
相對撫絲桐  
古寺隱林杪  
依約度疎鐘  
倚危欄  
舒遠目  
意無窮  
亂鴉陣陣歸也  
鳥道暗相通  
嶺畔丹楓落去  
陌上綠楊凋  
盡晚節  
羨蒼松  
撫景一長嘯  
幽思付冥鴻

江城梅花引 冬夜寄故園諸姊妹

朔風陣陣透紗窻  
思微茫  
又昏黃  
欲撫瑤琴  
金鴨懶添香  
竹影參差  
簾幕靜對寒月  
意悠悠  
念故鄉  
故鄉故鄉  
道路長  
隔餘杭  
又吳江  
望也望也  
望不見  
烟樹蒼蒼  
猶記聯吟詠  
絮共評量  
惆悵而今千里

別逢好景怕登臨空斷腸

壺中天慢 秋夜悼蘊輝姊用漱玉詞韻

閒庭人靜聽寒砧一片綠窗深閉雨滴芭蕉風撼竹作出暮秋天氣  
橘綠橙黃鱸肥蟹滿遙憶江鄉味故人何在天涯有淚難寄 回首  
聯袂西風踏青門草曲闌干同倚杜宇聲聲驚客夢往事薰教喚起  
玉笛慵吹瑤琴罷撫總是思君意寸心千結問君曾否知未

華婉若字花卿無錫人任艾生繼室有課花樓詞草

菩薩蠻

憑欄極目江天闊暮雲遠與炊烟接有客赴西泠西泠到未曾 陌  
頭千萬樹遮斷行人路屈指算歸期羅衣換葛衣

珍珠令

蕉牕書罷黃庭帖斜陽沒正寂寂流鶯啼歇深樹碧無情障雲霞一



抹 驀地思量人小別儘多少別愁休說休說看夜月樓頭時圓時  
缺

訴衷情 端午

試羅天氣又憎涼欲著待商量且擘綵絲幾縷笑繫臂雙雙  
揜繡  
袂試瓊漿爇爐香偶逢佳節更休惜醉須盡壺觴

河傳 雪霽

花積寒逼濃雲洗墨空堦浮白玉欄小倚疑是水晶宮掖梅梢香尙  
勒 聳肩兀坐吟聲啞酸風冽縷縷穿樵隙雪纔明月又明轉憎沿  
窻一點燈

漁家傲

別時曾說歸來早流光一霎秋將老綠酒黃花孤負了西風峭孤鴻  
帶月聲聲叫 客路崎嶇天縹緲荒烟衰艸愁歸棹怎奈夢兒飛不

到添煩惱此情更向何人道

柳梢青

風撼簾旌燭殘紅蠟香燼金猊清漏沈沈淒涼無限欲說憑誰  
來每負心期怎佳節又逢別離瘦怯窺隘寒愁倚枕併鎖雙眉  
年

雨中花 梅花紙帳

薄霧輕籠香細淡月暗催春遞莫道芳心寒不怕也愛風霜蔽  
竹屋蘆簾宜點綴正留著四圍雲膩恰好是六橋殘雪夜夢到孤山未  
錢靜娟字韵蕉錢錫庚女任艾生子傳槩室有韵蕉樓詩艸

昭君怨 別弟

不暇丁寧種種但說一聲珍重如夢境迷離夕陽時 恨煞半江雲  
樹遮斷鄉關何處孤影雁飛來忒心哀